

१५३

दस्ती नं.: ४८/२०७६/७७

पुराणो दयक तत्कालीन सम्पत्ति, भूमिगु कला व संस्कृति  
पिकाक-भक्तपुर नगरपालिका



# ब्रह्मसंसार

नेपाल संवत् १९४५ चिल्ला श्वः / २०८१ चैत्र १ / 2025 Mar. / तारीख: १२७, दौँ: ७



देश र जगताको गिरिस्थार्थ सेवा गरी। समाजवादी आवरणलाई व्यवहारमा लागू गरी।  
संसारका सबै क्रान्तिहरूबाट सिर्की। नेपाल मजदुर किसान पार्टीको आठौं महाधिवेशन सफल पारो।

नेपाल मजदुर किसान पार्टीको आठौं महाधिवेशन

## उद्घाटन समारोह



ब्रैपाल न्याकुष किक्काब पार्टीया  
च्याक्कु न्याधिवेशन

; DkfbSlo

©) \*! rf !, C ^ \$ ! % #, j i f { &

## राजतन्त्र हकनं ल्याहाँ वै धःगु 'र्म्याद फुगु वास' थें

थगु इलय जुजुवादीत न्याकुं चायो चं चं धाय्कःज्गु दः। हिन्दूधर्म कायम याय्गु व राजतन्त्र हकनं लिफ्यडः हय्गु माग तयो राप्रपा, राप्रपा नेपाल व छगू नेगू राजावादी पुचःत लायঁ प्रदर्शन याडः च्वंगु दः। अमिस अःखानय दःगु भिंग मगा, मचः (विकृति विसंगति) फुक्क राजनैतिक दलतय्सं याडः है जुयो च्वंगु व अलय् राजतन्त्र हकनं लिफ्यडः ह्य फःसा अजगु फुक्क विकृतित मद्यो वानिगु खाँ स्वाडः गणतन्त्रया पलिसा राजतन्त्रता हछ्याडः च्वंगु दः।

नेपःमिपिसं २४० दा दक राजतन्त्रता स्वयो, फय धुंकगु है खः। उगु इलय नेपःमिपिसं नुवायगु व सरकारया मज्यूगु ज्याया बिरोध्य् नुवाय-च्वय तक मरु। जनताता मौलिक व राजनैतिक अधिकारतक मरु। उकिया लागिं नेपालीं जनतां सच्छिदा मयाकं संघर्ष याय् माला। २०४६ सालया आन्दोलन लिपाजक नेपःमिपिसं देया राजनैतिक विषयलय् नुवाय्गु व च्वय दःगु खः। उगु इलय्तक नेपाली जनतां हकनं प्रजातन्त्र हयया लागिं अपलं हि बः वांक्य् धुंकल। जेलनेल व प्रवास जीवनय् च्वडः दुःख कष्ट फय धुंकगु जुल।

२०६२/६३ या आन्दोलनं नेपःया इतिहास्य् राजतन्त्र हाँगः लिसें लिडः गणतन्त्र निःस्वांगु खः। सामन्तबाद लिपा हलिमय पुँजीवाद हज्याई व समाज विकासया नियम खः। नेपालय निःस्वांगु गणतन्त्र पुँजीवादी गणतन्त्र खः। पुँजीवादी गणतन्त्रय पुँजीपति वर्ग थःयत्थे याई। राज्यया सम्पति नेम्हा प्यम्हा पुँजीपति तय्गु लाहातय् लःवानि। अजगु राजनैतिक व्यवस्थां अपलं जनताता भिंयाई मखु। अथे खःसां पुँजीवादी गणतन्त्रया पलिसा राजतन्त्र जुय फैमखु।

थं मथ्यं नीदाहाँ निःस्वांगु गणतन्त्रया छ्यला थ्यंमथ्यं हिदाफुय धुंकल। थुगु ई दुनयै नेका, एमाले व माओवादी पालं पः तःक हे सरकारय् वाना उगु पार्टीतयसं जनताया समस्या थुइकः ज्यंक्य् मफू।

शिक्षा व स्वास्थ्य थजगु जनताया आधारभूत खाँ ज्यात नपां निजीकरणं याडः गरिब जनतां भिंगु शिक्षा व स्वास्थ्य उपचार काय मखांक च्वनय् माल वल। बजार भः फयमफुक थाहाँ वान, ज्या वियमफूसेलीं दायँ द/९ गू लाख ल्यासे ल्याम्होपुं विदेशय मवासें मगात। ब्वनामिपुं बोलाकः च्वजायकः ब्वनय्ता विदेशय् वानय् माल। ज्या सानय् फःपुं दक्षजनशक्ति नपां विदेशय् वांसेलि नेपालय् बांलापुं मनू मालय् माल। विदेशय् वांपिसं छ्वयो हःगु रेमिटेन्स या भरय् अर्थतन्त्र न्ह्याक्य् मःगु अवस्था वल। व्यापार घाटा फय हे थाकुक च्वजाल, विकास खर्च खःथे जक याडः तस्कं म्हवचा व चालुखर्च यक्व यक्व जुयो वल। त्यासा (ऋण) पुलय्ता त्यासा (ऋण) काय मःगु ई वल। थव पुक्कया जिम्मा शासक दल तय्सं काय् हे मः। शासक दलत जुजुया पालिडः वगु मनूया हुल खाडः च्वंगु दः। जनतात असन्तोष ज्गू हे खः।

गणतन्त्र पलिस्था लिया नं जुजुवादी कमल थापा सरकारय् थ्यना। मन्त्री जुला। एमालेया चुनाव चिन्ह्य् चुनाव ल्वाता। अःअपुहे राजतन्त्र हकनं लिफ्यडः हय्गु नारा थवयकः च्वना। लज्या फुक्क तज्यापुं !

हलिमय राजतन्त्र मदयो वाडः च्वंगु इलय् नेपालय राजतन्त्रया नारा थवयकेगु 'म्याद फुगु वास' या प्रचार याय्गु थें जक खः। ज्ञानेन्द्रं फागुन ७ गते ब्यूगु 'सन्देशं' जुजुवादी पिन्ता भातिचा आँट ब्यूगु थें खानय् दः। अलय् व 'मनया लङ्डु' थें जक जुई, मेगु छुं हे जुय फैमखु। समाज यक्व हज्याय धुंकल। नेपालय् राजतन्त्र हकनं हय फैगु सम्भावना हे मरु।

पिकाक-ख्वप नगरपालिका/सम्पादक-आशाकुमार चिकंबञ्जार, डेस्कटप-धन लक्ष्मी त्यात, आवरण सज्जा-रेणु ध्वज्  
थाकू- भक्तपुर अफसेट प्रिन्टर्स फोन ल्या: ०१-६६१३०४३, इ-मेल- khwopapau@gmail.com

## योऽथता काथंया ज्या व ज्या काथंया ज्याला वियमः



न्हपा नुवाडः द्यूपुं पासापिसं थी-  
थी वर्ग, जात-जाति व भाषा-भाषी  
जनताया भावना कुल दिल । भीगु देश्य्  
थीथी जात जाति, भाषाभाषी व संस्कृति  
अल्य् धर्मालम्बीत मिलय जुयो च्वडः  
च्वडा । अथेन पुँजीवादी व  
शासकदलतय् पाखं पीडित वर्ग, जनसमुदाय  
व शासित जनतात ज्या, नसा, तियगु वस  
व च्वनयगु थाय् मदयो अलय उथिं मग्यंगु  
आर्थिक असमानतां क्वत्यय्कः विदेशी  
बहुराष्ट्रिय कम्पनी व संस्था तय्सं याडः  
नेपःया ल्यासे ल्याम्हो पुं मेपिन्ता लबः  
नक्यता विदेशय हिचःती हाय्के माल च्वंगु  
दः । नेपःया छवनामिपुं शिक्षाया अपराधी  
व गल्लावालातय्सं याडः विदेशय हेवाय-  
चबाय याकः शारीरिक आक्रमण फय मालः  
च्वंगु दः । अलय हेवाय चवाय, शारीरिक  
यातना (कष्ट) अलय दुःख  
(पीडा) खय अःयायपुं सरकार व म्हेगया  
पुँजीवादी सरकारत नपां फुक्क च्वयया  
पदाधिकारी पुं जिम्मेवारी खः । सरकारी  
पदाधिकारीपुं अथे धाय् प्रधानमन्त्री, मन्त्री  
व विदेशी दूतावासय ज्या सानिपुं नेपाली  
राजदूतपुं व सिंह दरवाया च्वयच्वयया  
कर्मचारी पुं फुक्क नेपः मिपिनिगु शोषण  
व बेरितिया जिम्मेवार खः ।

मखुगु मज्यगु ऐन कानून व तीति  
याडः सकल जनतां दुःख स्यूगुलिं भीसं  
थुगु पुँजीवादी व्यवस्थायाय् हे विरोध याडः  
च्वडा । देया आर्थिक दुर्दशा, नेपः दे व  
नेपःमिपिनिगु सुख-दुःख व देया स्वतन्त्रता  
व सार्वभौमिकताय घःलाकिगु थुगु  
व्यवस्थाया कार्यपालिका, विधान पालिका  
व न्यायपालिकां फुक्क जिम्मेवार काय्मः ।

एमसीसीया सन्धी सम्भौता,  
सं.रा. अमेरिका, व इजरायली सरकार  
प्यालेस्टानी जनताता क्वत्यलः छ्वगु  
ज्याख्य् नेपःया सरकारया समर्थन व  
युक्रेनया ब्वहलय बन्दुक दिकः युक्रेन रसता  
यागु आक्रमणता म्हुतुं तुमवासें मौन समर्थन  
यागुलिं नेपःदे ता सामाज्यवादी व  
उपनिवेशवादी शक्ति नाटोया छुपें काथं  
पिढवयो हल । सरकारया थुगुनीति  
सरकारया सामाज्यवाद विरोधी व  
उपनिवेशवाद विरोधी विकासशील दे तयगु  
विपक्षख्य् थ्यनि । उकीं अयायपुं कांग्रेस-  
एमाले सरकारं प्रतिगामी शक्तिया छुपें जुयगु  
नीतिता त्वः तः देया तत्स्थ व असंलग्न  
परराष्ट्र नीतिख्य् ल्याहाँ वयमः ।

विश्वबैंड्क, अन्तरराष्ट्रिय  
मुद्राकोष व एशियाली विकास बैंक संयुक्त  
राज्य अमेरिकीसामाज्यवादया आर्थिक

का. रोहित

ल्वाभःत खः । देश खबौं विदेशी क्रृणाय्  
दुग्यां विदेशमुखी अर्थनीति याडः हे खः  
धाय्गु खाँ जलाखाला देया आर्थिक सङ्कट  
व आर्थिक दुरावस्थां सिय दः । साँ स्याड  
धुँ पोस याय्गु अथेधाय् देशी व विदेशी  
शोषकपिन्ता पोसय् याय्गु व सामाज्यवादी  
व नवउपनिवेशवादी पिन्ता पोसय् याय्गु  
सरकारया आर्थिक नीतितापापुप्वलः  
क्यन्यता नेमकिपां ब्यापक जनताया दथवी  
अन्तर्रक्रिया जनसभा चिच्याचिच्याहांगु  
अध्ययन गोछीत याडः बुद्धिजीवी अलय  
फुक्क वर्ग व पेशाया जनतातय्ता सचेत  
मयासें मगा सैद्धान्तिक संघर्षयाय्ता पार्टी  
कार्यकर्तात व समर्थकपु अलय ग्राहालिमि  
पासापिन्ता इनाप याय् । बुँयापिनिगु हे जग्गा  
(जमिन जोलेको) जुय मःगु व मोहियानी  
हक्या नारा पुलां मज्जनि योग्यता काथंया ज्या  
व ज्या स्वयो ज्याला क्वयनिसें च्वय थ्यंकः  
याय्मः । व्यक्तित्व च्वजायकेता फुक्क ल्यासे-  
ल्याम्होपुं व जनतातय्ता उथिंयंक मौका  
बियमःगु धात्यें खाँ खः । सरकारं थःथःपुं  
मत्तूयता ज्या बियगु नामय सरकारी दुकुतीया  
धेबा थाय्थासय् हवलय्गु न समाजवाद खः न  
ज्या बियगु धाय्गु हे खः ।

नेपः या छगू छगू गां, नगर,  
जिल्ला व प्रदेशया ल्यासे ल्याम्होपुं व ज्या  
साडः नैपिन्ता ज्या बियगुया नामय विदेशय  
ककु पियो छ्वयो च्वंगु दः । थःथःगु थासय्  
थःगु हे देश्य् छैं त्वःत्य म्वायक ज्या दय्कः  
बियमःगु खः ।

चुनावता कालबिलया व्यवसाय  
याइगु भ्वै नकः, छैं छैं डा, ला, सिलिन्डर  
इडः, गुण्डातय्ता करोडौं धेबाह्वलः  
अपराध अप्वयकगु देश व जनताया सेवा  
मयासें, राजनीतिता अपराधीत ब्वलांकय्गु  
अवसर बियता, छाय शासक दलपिन्ता

## सचिव ड्युस्तंगु ख्वप पौ, बःष्टि पौ(पाक्षिक)

अपराध ब्लांकिगु मेसिन द्यके बियगु ?  
थथे याय् मज्यु ।

बजार भः थिक्य् मयाकय्ता हाकु  
व्यापारीतय्ता तहलगय् याय् मः । विदेशं  
हःगु बिषालु तरकारी, फलफूल व मेमेगु  
नय्गु खाद्यान्त सीमान्य् हे पानय मः ।  
चोरी निकासी व करछलीता हदाय तयो  
फुक्क संस्था व व्यक्तिता दण्ड सजाय  
याय्गु, अजगु देशविरोधी नीतित हिलयगु,  
अजगु प्वः तियगु ज्या मथां हे याय् फःसा  
बालाई ।

जनता व देशया विरोधय जुइपुं  
शोषकत व विदेशीया पा लिडः भजन हः  
जुइपुं देता भन भन गालय थुनिपुं निति  
दयकिपुं, संख्या व व्यक्तिया विरोधय् तच्चगु  
संघर्ष याय् मः ।

नेमकिपाया च्याकगु महाधिवेशन  
तः लायमः धायो भिन्तुना छ्वयो हःपुं फुक्क  
देशी व विदेशी मित्रपार्टी व पासापिन्ता  
सुभाय देछाय् ।

तेपः दे जात जाति, भाषा भाषी  
पिनिगु कला, व संस्कृति हलिमय याय् हे  
अथेधाय् मानव सभ्यतायाय् हे सम्पति खः ।  
सरकारं फुक्क जात-जाति, भाषा-भाषी  
नेपःमिपिन्ता उथिंयक व्यवहार याय्गु बाला  
जुई ।

सबैधानिक राजतन्त्र व गणतन्त्रया  
७० दा स्वयो अपः ई शासन देश व जनतां  
स्वय, धुंकल । अथेन देश व जनताया

अवस्था धाय काथं छिंक छुं हे हिलः वगु  
मरु । व्यवहारं व फुक्क व्यवस्था मज्यूगु  
धाय्गु सिय दत । समाजवादं जक  
ज्यासाडः नैपुं नेपः मिपिनिगु भिं याइगु  
सिय दत ।

नेमकिपां स्थानीय तहता स्वायत्तता  
व विकेन्द्रीकरणया अधिकार ब्यूसा प्रदेश  
म्व धाय्गु खायें बःयागु खः । अथेन शासक  
दलतय्सं नेमकिपाया उगु उपायया खाँ न्हयपं  
सिलिंचाय हे मथ्वकः । अः प्रदेश व स्थानीय  
तह ग्यसुमलाताजक शासक दलत कुकु सुकु  
हः जुल । सरकारयाय्पिसं भातिचा जक  
जूसां नैतिक जिम्मेवारीया अनुभवयागु जूसा  
शासक दलतय्सं नेपाली जनता व  
नेमकिपाय् माफी पवनय् मःगु खः ।

शासक दल तय्सं ‘३ प्रतिशत मत’  
ता राष्ट्रिय पार्टी जुइगु सिमा क्वः छिता ।  
देया फुक्क जात-जाति व भाषा-भाषीपिसं  
थःथःगु राजनैतिक स्वतन्त्रता व अधिकारया  
निंति राजनैतिक दलत पलिस्था यागु खः ।  
अमिगु चकांगु भावना हे ‘राष्ट्रिय भावना’  
खः अथेन नेपः या पूँजीवादी शासक दलतय्सं  
अमेरिका व बेलायतय् थे ‘नेगू पार्टीया  
तानाशाही’याय्या निंति ‘तीन प्रतिशतया  
मत सीमा’ हःगु खः ।

नेमकिपा बाहेक मेगु फुक्क धाय्थे  
दलत सरकारय् वान । अलय् अमिसं देश  
लथालिङ्ग याता । ख्वप नगरपालिकाता  
ख्वप विश्वविद्यालय चायके मब्यु, देया न्हूँगु

पुस्ताया नीतिं । नेमकिपा देश व जनताया  
निःस्वार्थ जुयो सेवा याडः वगुलिं प्रतिगामि  
सरकारतय्सं ख्वप विश्वविद्यालय चायके  
मब्यूगु खः । उकिं अजपुं शासक,  
राजनैतिक दलत जनविरोधी व देश विरोधी  
खः । अजगु दलनपां ल्वायता नेमकिपां  
जनताक्य् ग्वाहाली व समर्थन फवडः च्वंगु  
खः व भीगु कर्तव्य नं खः ।

जिं ल्यासे ल्याहोपुं ब्वनामिपुं  
दाजु किजा- तताकोहेपुं, अमा-अब्वापुं  
सकलसिता नेमकिपाया भन्डा (ध्वयाँ) क्वय  
वयो निःस्वार्थ काथं देश व जनताया  
सेवायाय्ता इनाप याय् ।

भीपुं थाकालिपुं पासापिसं न्हूँगु  
पुस्ताता देश व जनताया निःस्वार्थ रुप थः  
ता पाडः छै, त्वः, गां व जिल्लाय् मन  
च्वजायकेगु ज्या याय् मः । न्हूँगु व पुलांगु  
पुस्ता मिलय जुयो देशय् जुयो च्वंगु अन्याय,  
अत्याचार व सरकारया देश विरोधी  
नीतिया विरुद्धय न्हूँगु संघर्ष हछ्याय् ।

तेपाल मजदुर किसान पार्टीया  
भन्डाक्वय छप्पा छधि जुयो हज्यायता न्हूँगु  
पुस्ताया इनाप याय् । पार्टीया न्ह्यलुवापिसं  
न्हूँगु पुस्ताता पार्टीख्य् वयो छप्पा छधि  
जुयता मन च्वजाय्क ह्यमः ।

(ने मकिपाया च्याकगु  
महाधिवेशनय् पार्टीया हान्यबहम्हा नायोभाजु  
नारायणमान बिजुकछै(रोहित) जुं बियो द्यूगु  
न्वचुया भाय हिला-सं.)



## महाधिवेशन नं ज्यासाड नैपुं वर्गया राजनीतिक कक्षा



नायो भाजु नारायणमान बिजुक्छु (रोहित) जु या न्ह्यलुवाय् २०३१ साल माघ १० गते नेपाल मजदुर किसान पार्टी निःस्वांगु खः। पार्टीया न्हपांगु महाधिवेशन २०४७ सालय भैरहवाय् जूगु खः। थौं या थव च्याकगु महाधिवेशन धिसिलाक क्वचाय्केता जिल्ला जिल्लां भःपुं मजदुर- किसान (ज्यापु-ज्यामि) ल्यासे ल्याम्होपुं, ब्वनामिपुं, बुद्धिजीवी, शिक्षक, कर्मचारी, प्राध्यापक, पत्रकार सकलसिता नेपाल मजदुर किसान पार्टीया पाखं दुनुगलं निसें लसकुस याय्।

मार्क्स व ऐंगेल्स ब्यूगु शिक्षा काथं पार्टी देश व जनताया निःस्वार्थ सेवा याडः वयो च्वंगु दः। थव च्याकगु महाधिवेशन नं ज्या साडः नैपुं वर्गया छगु राजनीतिक कक्षा काथं क्वचायकेगु जिमिगु कुतः खः। पार्टी हलिमयया पुक्क क्रान्तिपाखं सय्के अलय समाजवादी आचरणत व्यवहारय् छ्यलय्गुलि बः याडः च्वंगु दः। ज्या साडः नैपुं वर्गता राजनीतिक रूपं

शिक्षित, सचेत याडः छप्पा छधियाय्ता पार्टीया भीगु पिथनापाखं अपलं र्वाहाली याडः च्वंगु दः।

विदेशी पूँजीया सेवा याइगु सामन्तवर्गया पार्टी बरोबर सरकारय् वाडः समाजवादया नारा बियो देश व जनताता मिखालय धुलं छ्वाकः च्वंगु न्ह्यःदा फूत। बराबर सरकारय् वाड उद्योग व प्राकृतिक सोत व्यक्ति व विदेशीतय्ता ख्वाखचा मूलं मियो च्वंपिसं थः ता कम्युनिस्टदक धाधां जनताया मिखालय धुलं छ्वाकः च्वंगु नं स्वीडादा दत।

सशस्त्र द्वन्दया नामय भारतीय एकाधिकार पूँजीया 'श्यामकर्ण सलाँ' (ट्रोजन हर्स) जुयो च्वंपुं गथे कम्युनिष्ट जुय फै ? अपुं कम्युनिष्ट मखु अराजकतावादी खः।

जाति, भाषा धर्मया नामय लिधंसाय् गरिब जनताता शासन याइपुं व फासिवादनपां कपः क्वछुडः आत्मसमर्पण याइपुं संसदवादीदलत नपां

नेमकिपा छ्याङ्जो - प्रेम सुवाल

नेमकिपाया संघर्ष मदिक्क न्ह्याडः च्वंगु दः। चुनावय् ज्यापु-ज्यामि व ज्या साडः नैपुं वर्गया भोटकायो विदेशी पूँजीया सेवा याइपिसं 'समृद्ध नेपाल, सुखी नेपाली' दयकेगु धायगु तासया छैं दानयगु थें मखुगु खाँ खः। नेपः मिपिन्ता २६ अर्ब स्वयो अपः सार्वजनिक ऋण कुबिइकः लाँ व ताँ दयकागु धःगु अलय विद्युत व टेलिफोन विस्तार, याडागु धःपुं सरकारत थःगु तुतिखय् चुयो मडःसिं विदेशीया तुतां चुयो डःगु थें खः। कतया भरय् म्वायगु खः। थव तः मिगु (समृद्ध) नेपः दे मखु। सरकारया थजगु फयखाँया लिनयैं लिनयैं जुयगु थःगु तुतिखय् थमनं पां पालयगु थें जक ज्वी।

संसदवादी दलत गुब्ले याकचा व गब्ले मंकः गाथिचिडः सरकारय् वाडः च्वंगु दः अलय थौं तक प्रधानमन्त्री तय्सं विदेशी पूँजीया सेवा यायगु बाहेकं देश व जनताता भिं जुइगु सिन्का छपुहे त्वः थूगु मरु। विपिन जोशी नपांया ब्वनामिपुं युद्धभूमि इजारायलय् 'ज्या नं याडः कम्युनिस्टदक धाधां स्वीडादा जुय फै ?

सरकारय् वाडः जन्मया लिधंसाय् विदेशीतय्ता नपां नेपाली नागरिकता बिइ पिसं गथे समृद्ध नेपाल दय्के फै ? अमेरिकी नीति व कानून पालन याय् मःगु एमसीसी पारितयापुं, देशघातयापुं संसदवादी दलत खः। अनुदानया नामय धेबा नयगु सरकारया नेतातय्सं विष नयगु थें खः। ख्वप नगरपालिकाता पूर्वाधार दयानं ख्वप

## सचिव ड्युस्टंगू ख्प पौ, बःषि पौ(पाक्षिक)

विश्व विद्यालय चायकेता सरकारं तांगु दः ।

अनुमति मब्य् । उकियाडः भारतया उडिसाय, बबंकय् छ्वपु नेपः या म्हायमचा कालया त्वाथय् लागु खः ।

करोडौ नेपः या ल्यासे ल्याम्होपिन्ता ज्या मालयगु नामय् वैदेशिक रोजगारय् छ्वयो नेपःया अपलं अन्न सैगु जगगा बाँझो तय्कः जाकी, दाल, तरकारी, सिसाफल भारतकय् थिकय्याडः न्याइम्हा सरकारता देशघाती छाय मधायगु ? नेपःया खुसीत भारतया एकाधिकार पूँजीता लःल्हाइम्हा सरकारता देशद्रोही व जनद्रोही छाय मधायगु ? स्वीडादाया फुक्क धायथे सरकारकय् कानूनी राज कमजारे जुयो आजकता व गुण्डाराज जुल ।

अमेरिकी साम्राज्यवादं युक्रेनया दुर्लभ खनिजत थःगु लाहातय लाकयगु कुतः याडः च्वंगु दःसा अन्न सइगु लाखौ बुँ न न्यायगु नामय थःगु लाहातय लाकय्

अमेरिकी साम्राज्यवादं प्यालेस्टिनीतय्ता उठिवास याडः आनाया चिकं, ग्यास, खानी व चातलय्या मुडः तःगु त्वनयगु नाः थःगु लाहातय लाकय तांगु दः । भीसं हलिमय जुयो च्वंगु अन्यायया विरोध याडः वयो च्वडागु दः ।

नेमकिपां देशघाती एमसीसी सम्भौता खारेज याकय्ता देया ४० ग् स्वयो अपः जिल्लाय् सचिंग् स्वयो अपःथासं विरोध प्रदर्शन याता । इजरायली फासीवादं प्यालेस्टिनी जनताया नरसंहार याडः भूमि लाकः कःगु, अलय युक्रेनय् रूस विरुद्ध अमेरिकी साम्राज्यवादया लिनय् च्वडः यागु छदम युद्धया विरोधय् जिल्ला-जिल्लाय जनप्रदर्शन व सभा यात । संसारय् जुयो च्वंगु अन्यायया विरोध यायगु भीगु पार्टीया अन्तरराष्ट्रिय कर्तव्य खः ।

स्वनिगः ‘प्रदुषणया धुकु’ काथं

जुयो च्वंगु दः । सरकारंजिल्ला-जिल्लाय् स्थानीय पालिकाय् पूर्वाधार हज्याक सहर मदयकगुलिं थौंया लिच्चवः फयमःगु खः । प्रधानमन्त्री व मन्त्री तय्सं थःथःगु थाय् (जन्मथलो) ता विकास मयासें संघ व प्रदेश राजधानी चर्व वडगुलिं देशय् माथां वांक विकास मजूगु खः ।

शोषण, असमानता, हिंसा युद्धया कारक साम्राज्यवाद खः । भीसं साम्राज्यवादीतय्सं हलिमय्या ज्या साडः नैपुं वर्गया बिरुद्ध्य द्वै चिनय् हःगु युद्धता न्हयाब्लै विरोध याडः वयागु खः ।

थं महाधिवेशन तः लाकय्ता रवाहालीयापुं व ब्वतिकःपुं सकलसिता पार्टी पाखं सुभाय देषासें हकनं छकनि लसकुस याय् ।

(ने मकिपाया च्याकगु महाधिवेशनय् पार्टीया छ्याज्जे प्रेम सुवालं बियो द्यूगु न्वचुया भाय हिला-सं)



## प्रजातन्त्र रवाँरवय् जक मखु जनताँ व्यवहारय् मालः च्वंगु दः



नगर प्रमुख सुनिल प्रजापति

सालय बहुदलीय व्यवस्था लिप्याड  
हःगुयाता कायफः।

स्थानीय निकाय जनताया मिखा  
हःनयया, जनप्रतिनिधि संस्था जुगुलि  
२०५४ सालय् कालीकोट, जुम्ला, दैलेख,  
छवपय् नापांया थी थी जिल्लाय्  
नेमकिपापाखं त्याकः वांपु जनप्रतिनिधिपाखं  
जनताता भिं जुइगु ज्या याडः वला।  
उकिमध्ये ख्वप नगरपालिका नं छगु खः।  
त्याकः वांपु जनप्रतिनिधिपिसं जनताया  
चेतनास्तर थाकाय् शैक्षिक संस्थात,  
स्वास्थ्य केन्द्रत चाय् न्हयाकलसा  
सुचुकुचु, कलासंस्कृति ल्यंकः म्वाकः  
त्यगुलि बः याडः जनताया सेवायाता।  
ख्वप देता ज्ञान विज्ञानया मूथाय व पर्यटकपुं  
छक मवसे मगागु गन्तव्यस्थल काथं  
हछ्याय् तातुडः योजनाबद्व ढंग ज्या  
हज्याक यंकला। वडा वडाय् शिशु  
स्याहार चाय् केगु लिसे ख्वप मा. वि.,  
ख्वप कलेज, ख्वप इन्जिनियरिङ कलेज,  
ख्वप वहप्राविधिक अध्ययन संस्थान थजगु,  
शैक्षिक संस्थात निःस्वांगु उब्लय् या  
उपलब्धीत खः। शैक्षिक लागाय तस्कं  
लिपा लाडः च्वंगु ख्वप देता शैक्षिक  
लिधांसां जनप्रतिनिधि पिसं ख्वप देता  
हछ्याय् तीति कायोदिला। २०५९ साल  
लिपा स्थानीय निकायया  
जनप्रतिनिधिपिन्गु न म्याद ताडः बिला  
न चुनाव हे याता। देशां देछिया स्थानीय  
निकायत जनप्रतिनिधिपुं मरुगु निकाय  
याडः बिला। हिंडादातक देशां देछिया  
स्थानीय निकायत जनप्रतिनिधिपु मरुसेलि  
देशं यक्व यक्व क्षति फय माल। जनतां  
यक्व दुःख सिल। उगु इलय नेमकिपा

नेपाल मजदुर किसान पार्टी  
निर्वाचनय् ब्वति कायो देश व जनताया  
निः स्वार्थ जुयो सेवा याडः वयो च्वंगु  
दः। पार्टी निर्वाचनता जनताया  
चेतनास्तरया (दापु) ब्यारोमिटरकाथं कायो  
छगु वर्ग संघर्ष व राजनैतिक संघर्ष काथं  
हज्याक च्वंगु दः। प्रतिक्रियावादीतय् ता  
अःपुकः त्याक् मवियता, जनविरोधी  
कानून या विरोध याय् ता अलय जनताया  
पक्ष सः थवक्यता निर्वाचनता छ्यलः वयो  
च्वंगु दः। पार्टीपाखं त्याकः वांपु  
जनप्रतिनिधिपिसं जनताया सेवाता  
च्वजाय् कः हदायतयो ज्या याडः वगु दः।  
राजनीति देश व जनताया निःस्वार्थ सेवा  
याय् गु धाय् गु मान्यताता नेमकिपाया  
जनप्रतिनिधिपिसं व्यवहारय् छ्यलः वयो  
च्वंगु दः।

निर्दलीय पञ्चायती शासन  
कालय् नपां छगु छगु चरणय् निर्वाचनय्  
ब्वति कायो पार्टी जनताया चेतनास्तर  
च्वजाय् केगु ज्या हज्याक च्वंगु दः। उगु  
इलय स्थानीय पञ्चायतय् त्याक वांपु  
प्रतिनिधिपिसं जनताया पक्ष सं सः तयो  
वगु नपां जनताया चेतनास्तर थाकाय् ता  
साक्षरता कक्षा चाय्, व्यवस्थित ब्वनय्

कुथित चाय् क, सुचुकुचु ज्या इः, लाहातय  
ज्या दैगु तालिमत न्हयाकः जनसहभागिता  
दुथ्याक विकास निर्माण हज्याक च्वंगु दः।  
नेमकिपां न्हयकनय् स्वयथे पारदर्शिता व  
आर्थिक अनुशासनता न्हयाब्ले बः याडः  
वयो च्वंगु दः। जनताया चेतनास्तर  
थाकाय् व जनताता भिं जुइगु ज्या हे  
उब्लेया पञ्चतयगु मिखालं अपराध  
खान। २०४५ साल भाद्र ९ गते राज्य  
स्तरं ख्वगु 'भक्तपुर काण्ड' उकियाय् हे  
लिच्चवः खः। नेमकिपाया नायो  
नारायणमान बिजुक्छै जुनपां अपलं नेता  
कार्यकर्तापिन्ता जालय लाकगु उगु  
काण्डख्य् भक्तपुर नगर पञ्चायतया  
फुक्क धाय् थे जनप्रतिनिधिपिन्ता ज्यान  
मुदाय लाकला सा पञ्चायत सरकारं थी  
थी जिल्लाया नेमकिपाया पासापिन्ता दुःख  
बिला। प्रधानमन्त्री व राष्ट्रिय पञ्चायतया  
अध्यक्ष नपां 'रोहितता फाँसी ब्यू' धायो  
सजाय माग यागु उगु घटना विश्व  
राजनैतिक इतिहासय उलि न्यनय स्वय  
मरुगु घटना मध्ये छगु खः। दमनं जक  
छु नं राजनैतिक व्यवस्था ल्यडः च्वनय  
फैमखु धाय् गु छगु ब्वस्यलागु दसि  
पञ्चायती व्यवस्था व्वः दःगु व २०४६

## सचिष्ठव ड्यस्वंगृगु ख्वप पौ, बःष्टि पौ(पाक्षिक)

स्थानीय निकायया निर्वाचन वा हकनं लिफ्यडः हयगुली मदिक्क बः यागु खः । इलय हे चुनाव याय् मफूसेलि देश विकास यक्व लिपा लः वान ।

२०७२ सालया न्हँगु संविधान छ्यः सेलि जूगु स्थानीय तहया नेकःतुं निर्वाचनय् मेमेगु जिल्लाया थी थी पालिकाय नेमकिपाया उम्मदेवारपु गुम्हां गुम्हां व ख्वप नगरपालिकाय् फुक्क उम्मदेवारपुं त्याकः वला । त्याकः वपुं जनप्रतिनिधिपिसं न्हपा याडः वगु बां बालागु ज्यायाता त्वःमफिइक्सिं अभ अपः जनताया सेवाख्य् समर्पित जुयो ज्या साडः वगु दः । कालीकोट, जुम्ला, दैलेख ख्वपय् नपां गनागना स्थानीय तहख्य् नेमकिपाया जनप्रतिनिधिपुं त्याता व फुक्क थासय् इमानदारकाथं ज्या जुयो च्वंगु दः ।

नेपःया संविधानय् समाजवादउन्मुख राज्य क्वः छिडः तःगु । समाजवादया अर्थ उत्पादनया साधनत सामाजिकीकरण शिक्षा व स्वास्थ्य उपचारयाय्ता धेबा म्वालिगु योग्यता काथंया ज्या व ज्या काथंया ज्यालाया बन्दोबस्त खः । नेमकिपा उम्मेदवारपुं त्याकः वगु पालिकाय् पार्टीया नीति व निर्देशनकाथं जनताता भिं जुइगु ज्या याडः च्वंगु दः ।

ख्वप नगरपालिकापाखं चाय्कः तःगु नेगू इन्जिनियरिडः कलेज नपां न्हय्गू उच्च शिक्षा विइगु शैक्षिक संस्थां देशां देछिया जनताया काय् म्हयाय् पिन्ता दाकः भिंकः व बालाक शिक्षा बियो वयो च्वंगु दः । थुगु संस्थाय् अः न्हयः न्हय्गू जिल्लाया न्हय्दू स्वयो अपः ब्वनामिपिसं ब्वडः च्वंगु दः । थुगु कलेजय् नं दुतिडः अः ख्वप विश्वविद्यालय चाय्केता कुतः याडः च्वंगु दः । सरकारं संविधानय् स्थानीय तहता विश्वविद्यालय चाय्केता अधिकार मरु धाय्गु त्वहः तयो ख्वप

नगरपालिकाता चाय्केगु स्वीकृति बियो च्वंगु मरु । उकिं विश्वविद्यालय चायकः जनताया काय् म्हयाय् पिन्ता दाकः भिंकः चिकित्सक व मेमेपुं जनशक्ति ब्वलांक्यगु इच्छा पूवानय् मफूनि ।

थव ज्या इवः याडः च्वडागु ख्वपया जनताया जग्गा खः । थव अः नेपाल ट्रस्टया नामय तयो तःगु १०८ पी जग्गा विश्वविद्यालय चायकेता मदिक्क माग याडः च्वडागु दः । थाना शिक्षण अस्पताल नपां मेडिकल कलेज चाय्केगु भीगु योजना खः अथेनं सरकारं वियगु मति मतनि ।

ख्वप नगरपालिकां स्वास्थ्यलागाय् छैं छैं नर्सिड सेवा, बडावडाय् स्वास्थ्य केन्द्रत चाय्केगु निसें १०० गू शैय्याया ख्वप अस्पताल चाय्केगु औँखा अस्पताल व्यवस्थापन, श्वास प्रश्वास केन्द्र, नागरिक आरोग्य केन्द्र थजगु स्वास्थ्य उपचार केन्द्रत चाय्क जनताता अःपुक स्वास्थ्य उपचारया बन्दोबस्त याडः वयागु दः । सकल नगरबासी पिन्ता धेबा म्वायकः अविसज्जन इडः वगु व विरामीपिन्ता धेबा म्वायक हि याय्गु व्यवस्था ख्वपया मेगु विशेषता खः । सुचुकुचु, सम्पदा ल्यंकः म्वाकः तय्गु जनसहभागिता दुथ्याकः विकास निर्माणया ज्या याय्गुलि ख्वप नगरपालिका हज्याडः च्वंगु दः । छम्हा हम्हा ल्यासे ल्याम्होपिन्ता शैक्षिक दसिपौ नपां लाहातय ज्या दैगु सीपया दसिपौ बियगु तातुडः अपलं लाहातय ज्या दैगु तालिमत बिय धुंगु दः ।

संघीयताया खाँ ल्हा ल्हाँ त्वा मस्यापुं अः स्थानीय तहया अधिकारत छपला - छपला याडः संघ व प्रदेशय् हे लाकः तय्गु कुतः याडः च्वना । शासकदल तय्सं स्थानीय तहता संघ व प्रदेशया कचाकाथं एकात्मक राज्यकाथं हछ्याय्गु कुतः याडः च्वंगु दः ।

स्थानीय तहता समानीकरण अनुदान अप्वयके मःगुलि उकिया अखः भन सशर्त अनुदान अपः याडः हःगु, संघीयता छ्यःगु हिदादय धुंकानं स्थानीय तहया लागिं मः काथंया कानुनत मदयकगु, स्थानीय तहता कर्मचारी भर्ना याय्गु अधिकार मब्यूगु, चिच्या चिच्याहाङ्गु नेगू प्यंगु लाख याय्गु योजनात नपां संघ व प्रदेशं चाय्किगु, संघीयता नेपः या संविधानया भावना व मतिया अखः खः । जिल्ला स्तरीय अपलं सरकारी निकायत ल्यंकं तुं तः गुलि राज्यया खर्च अपः जूगु नपां स्थानीय तहता ज्यासानय् थाकुयो च्वंगु दः ।

स्थानीय तह बल्लासा जक प्रजातन्त्र बल्लाई । थवहे मान्यताया लिधंसाय् नेमकिपां अधिकारं जःगु संघीयताया पक्षा ख्य दः । देशय् संघीयताया खाँ प्याहाँ वयवं हे नेमकिपां धाधां वयो च्वंगु दः । स्थानीय तहता विकेन्द्रीकरण व स्वायत्तता व्यूसा नेपाल थजगु देशय् संघीयता म्वाँ । अः थव खाँ न्हितयसिया लिभः थें भन भन प्रष्ट जुयो वगु दः । खयो वगु दः ।

जनताता अधिकार वियता ग्यापु प्रजातन्त्रवादी जुय हे फैमखु । प्रजातन्त्र खाँ ख्य मखु जनतां व्यवहारय् मालः च्वंगु दः । स्थानीय तह संघ व प्रदेशया कंकुख्य् तः क्यंकः मखुसें थः गु हे सोत व साधनत जनताया भिं ज्याख्य् छ्यलः विकासया लापुई हज्याय्गु हे प्रजातन्त्र खः । संविधान व कानुन ब्यूगु जनताया अधिकारत रक्षायाडः मेगु ताडः अधिकार काय्ता हज्याय्गु थौं मदयक मगा ।

(फागुन १६ गते नेमकिपाया च्याकगू महाधिवेशनय् नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं बियो दयूगु न्वचुया भाय हिला-सं)

## छरहा वाम मन्त्री नपां रवैलहाबलहा (बार्वं)

हरिबहादुर श्रेष्ठ (नारायणमान बिजुवठें (रोहित)

रामूं लुखाया घणटी डायकल, श्यामं मूलुखा व भवनया दुनयया ब्व न खानय् दय्क रामुया किपा काल। दुनयनं खिचां उगु ताय दत।

पलख लिपा साधारण कमिज, पुलिख्य् तक वगु सुरुव व चप्पल न्याडः वम्हा हिँडादा नीदाया छम्हा ल्याम्हो चाम्हा मनूं नं मू लुखा चाय्कल। रामु व श्यामुक्य् छिकपुं सुथे ? दक न्यन।

‘जिपुं पत्रकारपुं खः, का. एन. बी. जुं जिमिता ई बियो द्यूगु खः।’ रामुं लिसः बिल। खापा तिडः व पलख द्वैं वान अलय पलखलिपा खापा चाय्कः धाल-मालिकं छिकपिन्ता दुनयैं भासँ धायो द्यूगु दः। रामु व श्यामुं नेम्हां द्वैं वान अलय श्यामं खापा चाय्क वम्हा सिक्य् न्यन कामरेड छिगु नां छु थे ?

‘जिगु नां भक्ति खः हजुर।’

‘छि का.एन.बी. या सुथे ?

‘वयक मालिक खः जि च्यो खः हजुर।’

श्यामं थःगु क्यामेरा मिलय यात अलय भक्तिया किपा काल, किपाया हःनय् लाक तः खागु भब्य भवन नं दः।

उब्ले कामरेड एन.बी. नेम्ह स्वम्हा हाकुपुं खिचाचात बुयो भवन हःनयया ख्यल्य् खानय दत। रामु व श्यामुं ज्वजलपा धायो अभिवादन यात। एन.बी. मेच व टेबुल दः थाय् पत्रकारपिन्ता फेतुयता इसारा याडः थः न छगु मेचय फेतुत। श्यामं थःगु क्यामरा पिकायो मेचय् च्वंपु खिचाचातयता बुयो च्वंम्हा मालिकया किपा काल। अलय कामरेडं बुलुहुं खिचाचातयता ख्यलय त्वः

तल। अलय भवनया दुनयया लुखाया जवं खवं छम्हा छम्हा तःतः हिपुं खिचात सिखलं चिडः तःगु दः। इलय व्यलय् व खिचा तयसं उडः हैगु।

ख्यः या दथ्वी टेबुल छगः प्यख्यरं प्यंगूंतुं मेचः, दक्षिण मोहडाय् मालिक कामरेड, उत्तर पाखय्या मेचय् रामु व पश्चिम पाखय्या मेचय किपा काय्ता श्याम च्वन। मालिक कामरेडं देपा पाखय न्ह्याड तःगु ईलचं (घडी) स्वस्वं धाला- पत्रकार भाइपुयां इलय हे थ्यंकः वल। जिगु घडी ख्य् दः०० ता ई जुल। चाकलागु घडीया प्यख्यरं टलटल थिगु चिच्या चिच्याकवगु हिरा तयो तःगु दः सा घडीबाइन लूं याय्गु खः।

पत्रकार रामुं थःगु भोलां टेप रेकर्डर हःनय दिकल अलय मछिं मछिं तारिफ यात। ‘नेताजी छिगु घडी छिगु नाडीता तस्कं ल्वः, तस्कं बां नं ला।’

नेताजी मुसुमुसु न्ह्यलः जब लाहातं घडी मिलय या यां धाल- ‘थव घडी जिता विदेश्य् चाहिलय्ता ब्वं बलय् उपहार ब्यूगु खः। थव घडी दामी गु, विदेश यात्राय् छुप दामी टाई व टाईपिन नं हयागु दः। वनंजिता तस्कं ल्व, उकियाय् नं बय बय जुगु खः।

पत्रकारं नेताजिया जवं खवं न्ह्याडतःगु आंगु त क्यं क्यं क्वयकल- ‘आमु आंगूतनं छिगु लाहातय् तस्कं ल्वः।’

थ्य जिगु आंगु त मध्ये छपा भारतय् भ्रमण वाडा बलय् छम्हा सिद्ध बाबां प्रसाद दक ब्यूगु खः उम्हा बाबां जि प्रधानमन्त्री जुइगु योग दः म्हा जक धःगु

खः। जिता धात्यें हे विश्वास दः न्हणा व लिपा जि उगु ओहदाय् थ्यं हे थ्यनि। पलख लिपा मुसुमुसु न्ह्यलः आंगु क्यं क्यं फूर्तियाड व धाधां वान। थव आंगु नेपाली बाबां जिगु भिं उसायँया लागि न्ह्याकः ब्यूगु खः। उम्हा बाबाया भविश्यवाणीनं न्ह्याब्ले थासय् हे ला। देशय सद्कटकाल वैगु, संसद व स्थानीय निकाय भड्ग जुइगु, अलय निर्वाचित सरकारनपां क्वः दइगु भविष्य लच्छ नेला हाँ हे यागु खः। संसदय् दःपुं पार्टीया ‘चिच्यामन’ व ज्यू मज्यू मधःसे याइगु ‘अकर्मण्यता’ आन्दोलन याय्गु नं भविष्यवाणी यागु खः।’

नेताजीं तुइगु सालुगु कापया कुर्ता फियो सुरुव न्ह्याड च्वंगु नेताजिया भुडीं वयागु सम्पन्नता पिबवयो च्वंगु दः। रामुं न्ह्यसः तयो दिल - ‘नेताजी छिगु परिवार व छिगु मचा ई या खाँ छक काडः दिय्ला थे ?’

जि छम्हा नां जम्हा तःमिम्हा जमिनदारया कायमचा खः। जिगु मचा बलय् या ई व अध्ययन भारतया छागु थिकयगु निजी ब्वनयकुथिं न्ह्याकागु खः। विज्ञानया प्रमाणपत्र तगिं पास याय धुकः जि देया राजधानी यैं वयो चिकित्सा विज्ञानय् विदेश्य् ब्वं वानय्ता धिंधिं बल्लाय दुतिडा। जि भारतं पहिलो श्रेणी ख्य् पास याडागुलि छात्रवृति बिइगुलि जि ढुक्क हे जुयो च्वडा। अलय यैं या जातिवाद व भाषावादं याडः जि चिकित्सा विज्ञानया छात्रवृतिख्य् मल्यल। ततः हांपुं कर्मचारी व पुँजीपतिवर्गया काय म्हयाय् पुं विदेश्य् ब्वं वानयगुलि ल्यला। नेहूप्यन्हू जि निराश

## सचिष्ठ ड्यूस्वंगृगु ख्वप पौ, बःष्टि पौ(पाक्षिक)

हे जुया, लिपा छम्हा पासां व शिक्षा मन्त्रालयया भँडुवा (तछ्याइ पिन्ता) तय्ता बदला काय्गु भावना थाडः बिल। उगु सुभाव जिता यल: अलय जि कम्युनिष्ट पार्टी दुतिनय्गु तातुडः मार्क्सवादी साहित्यत ब्वडा, अलय कम्यूनिष्ट पार्टी द्व्हँ वाडा।

किस्ती स्वंगूकप चिया, ज्वडः सिसिमिसी धःम्हा छम्हा मिसा मचां टेवुल थिइकः वयो नेता कामरेडक्य अडबतयो न्यना - 'मालिक चिया भपियो दियगु खः ला ?'

'ज्यू ज्यू वयकपिन्ता नं व्यू' कामरेडं तहांगु गौरब ताय्क धाल। चियाकपत टेबुलय् तयो किस्ती ज्वडः ल्याहौ वानय तांबुलय् भवातिंता नेता कामरेडं धाल- 'मालिकनीता नं जिं सःतगु दः धायो व्यू न्हायैँ।' हस् मालिक धाधां भवातिं भवनय द्व्हँ वाड पलख लिपा ल्याहौ वयो धाल- मालिक !, मालिकनी पलखः लिपा जक बिज्याई, अः वयक समायाडः दिला।'

नेता मालिक ज्यू दक कप सांक् वं भवातिं द्व्हँ वान। रामुं मेगु न्हयसः थान 'कामरेड छिगु थव भवनया खाँ नं पिनय् अपलं बयबय याडः खाँ ल्हाइगु। थुकिनं छिगु राजनैतिक लाँपु तः लागू दसु पिब्ययो च्वंगु खःला दक धाई। थुकिया खाँ नं छुं काडः दीलाथें ?'

धात्थें खः जिगु राजनैतिक लाँपु धिसिलागु या दसु थव नं खः। जि फकिर जुयता राजनीति याडागु मखु, यैं दरबार थेजगु भवन मदय्कः अलय सम्पन्न जीवन न्हयाकय मफःतलय् नेपालय् च्वजायकः राजनीति याय् है फै मखु। गां व जिल्लाया दांगु छुं बुँया छुं अर्थ मरु। उकिं जिं जिगु फुक्क परिवारता यैं ह्या। जि काय म्हयाय्पिन्ता राजधानीच्वंगु बां बां लागू कलेजय ब्वंका। अलय अपुं विदेशं छगू छगू विषयसं विशेषज्ञ जुयो ल्याहौ वला।

जिमी स्वम्हा काय्म-म्हयाय्पिसं रुस, चीन व भारतय ब्वनय्गु मौका दत। फुक्क डाक्टर व इन्जिनियर जुल, फुक्कसिया इहिपा जुल, जिं स्वय जिगु जीवन सफल जीवन खः। प्रजातन्त्र लिप्पडः वगु या उपलढी थव हे खः।

नेताजिं थःगु जीवन खाडः गर्व यायां मेच्या लाहातय व टेवुलय विस्तारं आंगु दःगु लाहातं नाइकः तितियायां धायो च्वन- ख्यःया प्याख्यरं इवः इवः लाकः स्वंमा पिडः तःगु दः। छगू कुलामय पुखुचा छग नं दः। उब्ले लाक मु लुखातय घणटी डाल, मोटरसाइकल गयोवपु नेम्हा हृष्टाकद्वापुं ल्याम्होपुं नेम्हा नेताजिया थिइकः वयो जवज्वलपा धाधां 'कामरेड सिमेन्ट व डण्डीया भः थिक्य जुइन'धाल।

'बांला छपुं उद्योग वाणिज्य संघया पासापुं नपां छलफल यो'- नेताजिं उजं बिल। "कामरेड, उद्योग वाणिज्य संघ व पर्यटन उद्योगया भी (पार्टनर) मंकः पासापुं धःसा नेपाल बन्द पानय्ता कामरेडया लिच्चवः छ्यलय्गु बारम्बार बः याड च्वंगु दः। छु याय्गु ? वपुं ल्याम्होचापिसं कुं खित।

ज्यू ज्यू जिं कुतः याय् अः छपुं हुँ अलय बहनीथाय ज्या सिध्यकः वा' नेताजिं उजं बिल। भब्यभवनया लुखां मालिकनी समायाय् धुकः टेबुलय वयो फेतुय मलाकं नेता जिं पत्रकारपिन्ता म्हसिइकः बिल- 'व जिमि तिरीमयजु खः। व नं मचात बलय् निसें देश व जनताया निंति पार्टी जूम्हा खः। पत्रकार नेम्हासि अभिवादन याता। श्यामं क्यामेरा पिकायो मिसाम्हा कामरेडया किपा काल।

रामु न्हपाया न्हयसः छक हकनं कुल- 'कामरेड थापामछिं खागु छुं दानय्ता रवदा बिता ज्वी'।

प्यदा डादा यां बित। फिनिसिड

(सुसाकुसा) छायपियता अपलं ई बित।' नेता मालिकं कपालं क्वाक्वां कान।

रामं मेगु न्हयसः थान- 'थुगु दरवार थजगु छुं दय्केता लाय् गुली तुत ज्वी ? छुं खाँ काड दिला कामरेड ?

पक्का नं जग्गा व भवन याडः नेदाप्यदा हाँ हे ५० लाख तका तुगु खः, थिक्य जुयो वांगु बजार भःलं जिमिगु भवनया मू नं अपः जुयो वानिगु हे जुल नि। राजधानी छुं दानय्गुया मज्जा छगु थवनं खः। गामय्या पुख्याँली छुं अर्थेतुं दःनि।

नेताजिं थुगु खाँ काडः च्वनातिनी अलय श्यामया किपा काय्गु इच्छा स्वस्वं धाला - 'मखु पत्रकार भाइपुं दुनय हे वाड नं छिकपिसं स्वय फै भासँ।'

रामुं टेप, मेमेगु सामान व थःगु भोला ज्वन, श्याम अभ व्यवस्थित जुयो लय तातां क्यामेरा मालिक व मालिकनी कामरेडपुं दाडः भवन पाख्य वान, पत्रकारपुं लिनय् -लिनय् वान।

द्व्हँ वानय् वं श्यामं थःगु क्यामेरा क्लिक-क्लिक याडः च्वंबलय् मिसाम्हा कामरेडं पत्रकारपिन्ता मति थुइकः धाल- मन्त्री ज्यू छिं हे फुक्क खाँ छगू छगू याडः काडः दिसँ यो।

नेता कामरेड मन क्वसाय्क धाधां वान। रामुं थःगु टेप व सामान हःनय तय हल। 'थव दुरु ल्वहैं (सिङ्गमर्मर) याय्गु खाँ नं पासापिसं अपलं च्वछायो च्वनिगु, जिं थव फुक्क विदेशं हयो तयागु खः।

छक्क छक्क व्यथा व छगू छगू तला क्यं वं धायो यंकल छक्क छक्क व्यथा व तला छगु नं छगु देशया भ्रमणं वगु लबः खः। अलय मन्त्रालय हेरफेर ज्यूवं छगू छगू मन्त्रालयया चिं काथं दयकागु खः। फुक्क व्यथात आधुनिक सामानं

## सचिष्ठ ड्यूस्वंगूरु खप पौ. बःष्टि पौ(पाक्षिक)

छायपियो तःगु दः । बां बां लागु व थिकय्गु गलैचात, बां बां लागू सोफा, टेबुल, दराज, पलड व मेमेगु सामान क्यं क्यं धाल-थवपुं भीगु देशया स्वदेशी हे खः सा थव बिजुलीया सामानत भाउ-पानसत विदेशं हयागु खः । म्वं ल्हयगु थाय् दयकेता जिगु बुद्धि, मेहनत व धेबा यक्व हे खर्च जुला छक विदेशया ज्या इवः ख्य् ब्वनापौ व बलय जिं लुमुगु नं याय्गु तक धेबा काया । अमेरिका वाडाबलय् जि पासापिन्थाय च्वडा । अलय पॉचतारेहोटलय् च्वडागुया खर्च सरकारक्य् काया । थुकाथं जिं ज्यू ज्यू थाय् फयां फक्व लबः व सहुलियत पाखं छखा तस्कं बांलागु छँ दानय्गु इच्छा पू वांका ।

नेताजि छिगु भव्य भवन व विचलं जिताया तच्वगु लिच्व लात, अः थजगु हे छँ सकल नेपःमि पिसं गुब्ले दय्के फै ? रामु बुलहुँ ध्याच्व नकल ।

जिं सिया, क्रान्ति व समाजवादया निंति छगू ऐतिहासिक युग विइतिनी जक । उकिं उलि ता ईतक थुगु जीवनं पिडःच्वनय मफैगुलिं जिं थःगु व थः परिवारया खाँय विचः याडागु खः । कामरेडं तान ।

अथेजूसा ह्यूपा, व्यापक सुधार थजगु खाँवः त छ्यलतगु छिकपिनिगु पार्टीया दस्तावेजय न्हिथाड तःगु दः, छिं नं भाषणं बारंबार न्हिथानी । थव खाय जनतां छु दक थुइकेगु बांला जुइ नेता जि? रामु मेगू न्हयसः तल ।

छिगु न्हयसः तस्कं गम्भीर व फुक्क खाँ किसीयाय्गु क्यनय्गु वाँ थे जक

खः । जनतातय्ता चर्का चर्कागु खाँ व तः तः हांगु आश्वासन मब्यूतलय् अपुं ल्यू ल्यू वैमखु अलय् भोत बिइमखु नत कार्यकर्ता तय्सं लाहापाहे थाई । छतिं हे मछः मजूसे वं धात्यें खःगु खाँ काना ।

अथेजूसा जनतां द्वंकिगु जुलला नपा लिपा लिपायां छँ, बुँ व जागिरया खाँ पत्यामयातकिं सर्गया नगु व तिमिला क्वफ्वाडः बियगु, अलय लुँ पोलहुँ चिडः बियगु आश्वासन बियमालिगु ई मवौला नेता जि ? रामु मेगू न्हयसः तल ।

‘छिं न्यड द्यूगु खाँयाता सुभाय्, अलय अथे मयाक जिपुं सरकारय् वानय हे फै मखु उलय सरकारय् मवांक जिमिगु राजनीति नं सफल जुइमखु, वं अपुक हे लिसः बिल । पूर्व मन्त्रीतय्ता नं मन्त्रीज्यू धाइगु चलनं नेता कामरेडता नं रामु मन्त्री ज्यू दक हे चवं तल । नेताजी भन च्वय् च्वय धाल ।

‘अथे जूसा मन्त्री ज्यू भीगु तातुनायां तस्कं म्हवचा ई याय्गु जक जुइगु जुल मखुला ? धायो चवं काथं राजनीतिज्ञं मेगु चुनावतकता जक ध्यान तयो जुइगु अलय् राजनेतां मेगु पुस्ता व युग या’ रामु विचः प्वक्कल । खः पत्रकार भाइचां धःगु खाँ धात्यें खः, अलय जी यक्व ताःहाक म्वाइ मखु अःजिं क्रान्ति, ह्यूपा व समाजवाद मथां हे वै धाय्गु खायँ विश्वास हे मयाय् धुन - मन्त्री कामरेडं लिसः बिल ।

अथे खःसा छिगु पार्टीया नामय ‘मार्क्सवाद-लेनिनवाद’ थजगु छुपे धाय्गु

पायछि जूला ? रामू तुरुत मेगु न्हयसः तल ।

छताकी यायां छगू छगू तला स्वं क्वहँ वल । छँ क्वय् चुक्य् थयं बलय् दक्लय् लिपाया अलय् हाय्युपगु न्हयसः न्यन ‘कामरेड बिदा फ्वनयगु इलय् दुनुगलं छगू न्हयसः न्यनय् ताडा- यैं या थापाच थिकय्गु थासय् थवपि मछिं जगगा गथे न्याडा ?

जिमिपुं डाम्हा च्याम्हा कामरेड पुं घर जगगा साडः जू पुं दः । गुम्हां गुम्हां लॉया ठेकेदारत नं दः । गुम्हां दुरुमिल व कार्पेट वा गार्मेन्टया उद्योगपतित नं दः । अपुं फुक्कसिता जि सरकारय् दःबलय गवाहाली याडा । उकिं अपुं थौं जिम्हा गवाहालिमि जुयो च्वंगु दः । नपा यैं देशय् जगगा मरुबलय् भातिचा पिनयैं न्यो वाडा अलय् न्हपां दथवीया लॉं मरुगु दांक नेपि प्यापि जगगा काय धुंकः देश विकास यायमाल धायो टालटूल याडः ज्यापु तय्गु जगगां तब्यागु लॉं दय्का, अलेयां जिगु भायर हे चाल नि ।’ अःपुक हे मन्त्री कामरेडं राजधानी थमनं याडागु प्रगतिया खाँ पिल्हवत ।

विदा फ्वनय हाँ श्यामं मन्त्री व मन्त्राणी नपा तयो किपा काय्गु खाँ तल वहे काथं नेम्हां कामरेड भव्य भवन ल्यूने (पृष्ठभूमि) तयो दान, किपा काल, नेताजिं बिदा व्यू व्यूं पत्रकारपिन्ता धाल- भाइपुं चिन्ता काय्म्व, चर्काचर्का व तः तः हाकगु भाषणय् जनता भुलय् जुयो च्वंतलय् जिपुं चुनावय् बुइमखु अलय जिपुं हकनं सत्ताय वानय् ।’

**खप नगरपालिकाता न्ह्याबले सफा,**

**सुग्धर तय्गु सकल नगरवासीतय्गु कर्तव्य खः ।**

## रत्वाः व रत्वाःपाः

पुर्ण तैद्य

यक्व दां फुका  
वं गुलिं ख्वाःपाः न्यात  
मुक्तिया,  
स्वतन्त्रताया,  
मानवाधिकारया,  
सहयोग-सद्भावनाया  
  
व दक्वं थुलि बांलाकि  
व पुया: पिहां वयाबलय्  
वयात सुनानं ख्वाःपाः धायेमफु ।  
जब व विश्वया दबुलिइ  
सकसियां न्ह्यःने हालिइ  
वयात सुनानं व हाःगु तायेमफु  
मानौं, अन मुक्ति हे हालाच्वंगु दु  
स्वतन्त्रता हे चिल्लाय् दनाच्वंगु दु  
जब व निर्धक प्याखं हुलिइ  
वयात सुनानं थव वयागु प्याखं जक खः  
धायेमफु !  
  
अन वया स्वार्थ दक्व  
बांलाःगु निस्वार्थ पानातःगु दु  
दकले ला जि अन सातु वं  
गन वं मुक्तिया ख्वाः पालं त्वपुयाः  
आम हत्या ल्हयाहइ  
हथाय् हथायसं  
लगातार मि भ्वलुया  
धाक्वमाक्व सुविधाया क्वसः बिइमफुम्ह  
भौमचायात थे  
पला: हे लिकाये मलाक  
देय् म्वक्विलिइ  
छकुतिं कथुइ थाइ थे च्वनेवं  
बाकू याका सां, मिइ छुनाः नइ  
क्वाँय् हे क्वातुपि मचात  
क्वाः क्वाःगु ग्वलि ननं म्ह जायेक  
सभ्य धाःपिनिगु पाशविकताय्  
झपि, थःगु हे हिछ्वं लाना द्यनिइ  
अन विजय गर्भ ल्हवइ वं  
विनाशया धक्का: तइ  
सम्पूर्ण प्रसारणय् नं अन वया ख्वाःपाः दु

थव गजाःगु ख्वाःपाःत वया  
गुकिं मन्हयंगु छुं हे मदु  
अन्याय, वर्वरता, हत्या, क्रूरता न्ह्यागु नं  
ख्वाःपाः ला खत आखिरय्  
व दक्वं त्वःपुया वं  
सज्जनताय् म्वायेफु  
गुम्हेसिके थुलि बांलाःगु ख्वाःपाः दु  
वया वास्तविक ख्वाः न्ह्याक्व हे कुरुप थजु  
इवात वयात सुनानं म्हसिइके मफु  
व ख्वाः पालय् हे म्वानाः वयाच्वंगु दु - ससम्मान !  
अन वं थःगु ख्वाःपाः  
उलेत स्वइपिंत  
न्ह्यागु नं पदवी बिइफु  
तानाशाह !  
नोकरशाह !  
हत्यारा ! आतंक ! उग्र !  
न्ह्यागु न्ह्यागु नं  
खला, वया हे ल्हाया ताताः हाकःगु लुसिं  
व दक्वं अपराध ज्वयाः वयाच्वंगु दु  
वयागु पंजां मुक्त जुइत स्वइपिनिगु हि दु  
तर, तःधं दबूया छचाः ख्यरं  
वयागु प्याखं स्वयाच्वंपिसं  
जब थुइ थव !  
मुक्ति ला ख्वाःपाः जुइ मखु  
मानवता ला ख्वाःपाः जुइ मखु  
व ला सुयागु स्वार्थ दाना चिं तइमखु  
व ला थःथःगु ख्वाः हे जुइ मनूया  
न्हिला: नये ज्यूगु  
तृप्ती जुइक त्वने ज्यूगु  
मज्जां न्ववाये ज्यूगु  
अले धा:सा  
बांलाःगु ख्वाः पातय् जक म्वाइपिनि  
प्रभुता व स्वार्थताया  
अवश्यंभावि दुर्गति सुर जुइ !  
ख्वाःपाः धयागु ला  
मस्यूले जक वया प्रभाव लाइ ।  
(ने.सं. ११११ चिल्लागा : १५ )

## कतांमहि नापं त्याता

प्रेम बहादुर कर्सा

छग् देशय् न्याम्हा पासापिं दु ।  
छम्हा राजकुमार, मेम्हा आचाजु, सँकमि  
छम्हा, सुइका छम्हा व पुं छम्हा । इपि  
तस्सकं जा-ला व लुसिथे । तर, इपि व  
देशय् महसूरपि हुल्याहा व मुल्याहा  
जुयाच्वन । न्ह्याम्हा नापं ल्वाइगु  
न्ह्याम्हासितं ख्याइगु । राजकुमारया धाँक  
व ध्यबां याना व देशय् जुजुया ल्यू जुजु  
इपि हे जुयाच्वन । इमिगु नां काल कि हे  
मनूते सातु वं । इपि वगु याननिसें खन कि  
हे खि मुइका कुँचामार जुइगु । थुकथं  
इपि न्याम्हा सिनं व देशय् लाखेलसितेसं  
दुख बीथे दुख बियाच्वन । जुजुं इमित  
गुलि पोचीत सन, अहं फुगु हे मखु । जुजु  
राज- कुमारयात लाय्कुलि हे पित व्यया  
महयेगु नं कुत यात । उकी नं जुजु असफल  
जुल । यानायानाथे मजिसेंलि जुजुं  
राजकुमार- यात लाय्कुलि पितिना हल ।  
छुं दिन राजकुमारं पासापिथाय् च्वना जीवन  
हन । वयाके दुगु ध्यवा न्हियान्हितं फुनावना  
च्वन । रवाफ व हे खः । पासापिं फुक्क  
वया माकिं-बाकिं । वयाके हे जक भाता  
दाइपि ख सिवेत चुंदाया खिति हे थपिसं  
बीफुपि मखु । अथे जुया दक्को फुक्को  
फुर्सेलि इमित म्वायेत हे थाकुया वल ।  
न्हापा राजकुमारया धाँक इमिसं सकसितं  
ख्यानाच्वंगु । आ राजकुमारयात लाय्कुलि  
हे पितिना हसेलि इपि खना मनूत नं  
मग्यात । छथाय निथाय् इमित फाताफाता  
पुइक दाया ब्वला नं सायाहल । ध्वबा नं  
फुत, धाँक नं मंत । कोमालि जुया च्वने  
नं मछुल । अथे जूगुलि आ थन च्वनां खइ  
मखुत, मेगु हे देशय् वनेमाल, बरु अन  
फुफुम्हस्यां फुफुगु ज्या याना नये धका

इपि न्याम्हां थथपिनिगु लजगारयात मागु  
ज्याभः व ल्वाभ ज्वना अनं पिहां वन ।

इमिसं देश तोता वँसेलि व देशया  
मनूते पू लिकया थे हे याउँसे च्वनावन ।  
वंपि वनं जुइमा, हानं गबले' लिहाँ मवयेमा  
धका सकसिनं आसिक यात । इपि नं बँवं  
वँवं गोन्हु- खेमिति वने धुसेलि बल्ल छग्  
देशय् थ्यन । अन चाचाहिला बासं च्वनेत  
थाय् मालाजुबले छखा छेँया लुखा ध्वाका  
थे चालाच्वंगु खन । अन हे वासं च्वनेजीला  
छक स्वयेमाल ध्यागु बिचार इपि दुहां  
वन । 'तले सु दी ?' धका स्वाने क्वे  
च्वना सतल । सुयागुं लिस मव । गबेत  
सतलं नंछुं लिस मबसेलि 'तले सुदी ?'  
धाधां इपि थहां वन तले वना स्वबले की -  
कों हे मरु । कोथाकिथा नं प्वं । छुं छग्  
धका हे गनं दुगु मखु । छुं छखां सतथे  
च्वं । सत हे जक मखुला धका इमित  
संका नं वन । न्ह्यागु जूसां इमित च्वनेत  
बायू माला- च्वंगु । आ थन सुयाके न्यनेनिने  
हे याये म्वोक छुं छखां हालिमालि याना  
च्वने दुबले इमित ला अगचा मालां देगचा  
लूथे जुल । इपि अन हे च्वन ।

च्वनेत बाय् ला इमित दत । तर,  
नसा त्वंसा, लासा फांगा, थलबल इत्यादिया  
समस्यां इमित प्वंगु मखुनि । हानं छुं सुनानं  
दाबि यावइला ध्यागु नं डर दनि । अकि  
इमिसं आ छु यायेमाली धका साहुति यात ।  
आखिर इमिसं थथे खं कोछित- "धाँक  
रवाफ मदुबले थगु देशय् हे मनूतेसं हेला  
यात धासेलि कर्या देशय् छुं ज्या मयासे  
हेपं ख्याना नये ध्यागु आस हे मदु । अकि  
सँकमि, सुजिका व पुं स्वम्हेस्यां पिने ज्या  
याना गुलि फत उलि कमेयायेगु, राजकुमारं

धाल- तलवार च्वना छुं पिवा च्वंच्वनेगु,  
आचाजुं सुवा ज्या व छुं सुचुपाचु यायेगु  
ज्या यायेगु अले स्वम्हेस्या कमाइनं चाहि  
न्याम्हेस्या इना नयेगु । न्हिचिछ राजकुमार  
पिवा च्वनीम्हा जूगुलि चच्छ मेपि प्यम्हेस्यां  
पालंपा पिवा च्वनेगु ।" खुं कोछिना थे  
ज्या नं इमिसं यात फुफुन्हेस्यां फुफुगु ज्या  
याना न्याम्हेस्या दित्तचित्त मिलेजुया च्वन ।

न्याम्हं छम्हा थे जुया चान्हे नं  
पालंपा पा च्वना इमि सुखं जीवन  
हनाच्वन । आइपि ज्या याना थगु हिचतिया  
कमाइ नइपि जुल । न्हापायागु हुल्याहा व  
मुल्याहा भाव इमिके मन्त । इपि ज्ञानी  
जुल । थुकथं च्वँवं छन्हू चान्हे दकले न्हापां  
सँकमिया पा च्वनेगु पालात । मेपि सकले  
च्वाच्वन । वया याकचा अथे  
च्वंच्वनेमागुलि म्हाइपुसे च्वनावल । छुं ज्या  
याना च्वने दसा जिउ ध्याथे वयात जुल ।  
छु यायेमाली धका थथेक छचाख्यरं मिखा  
व्यया स्वबले सिछ्त्वा वं खन । थुकिया  
कतांमहि छम्हा जूसां दयेकेमाल धका बिचा  
याना सिंत्वा काल । अले थगु ज्याभ लिकया  
त्वात्वा याना हिसिचा दुम्हा कतांमहि  
दयेकल । कतांमहि नं दयेके सिधल, वया  
पा नं क्वचाल । वयां लिपा पुंया पा  
लानाच्वने पुंयात थना व द्यूं वन । पुंया नं  
अथे च्वंच्वने मछुल । न्हापा लिपा जूसा  
वया छुं च्वयेगु याना च्वनीगु । उकुहु  
सँकमि दयेकतम्हा कतांमहि खना वयात हे  
लंपुलि छायेगु बिचा यात । उघिमे पिं व  
उमिला कया माथायू मागु रङ्ग पाना मिखा  
कंकल । उलि याबले कतांमहि तस्सकं  
बालात । कतांमहिथे जक मच्वंसे धात्थे छुं  
नवानाहइला ध्याथे च्वंम्हा मनूथे हे च्वं ।

## सचित्र ड्यूस्वंगृगु ख्वप पौ, बःष्टि पौ(पाक्षिक)

थौयागु थुगु ज्या खना पुं लय्तां धेधेचुल ।  
वयात व कतामहि स्वस्वं मगात । आचा  
तक सिंकमि पा च्वना वयात पा लहागु ।  
आ स्वफ जासेलि वयागु पा नं ब्यात ।  
अकिं ममरु ममरु हे वयां लिपा पा लाम्हा  
सुइकायाता थना थ द्यैं वन । पा च्वंवम्हा  
सुइकाया बांलाम्हा कतामहि छम्हा खंबले  
लय्ताया थागा हे मन्त । वं व कतामहि  
स्वयाच्वन कि च्वन मिखा हे लिकागु मखु ।  
वया मन्य् अनेअनेगु भाव लुयावल । थव  
धात्येम्हा हे मिसा जूसा स्वर्गया अप्सरा नं  
द्वयेफइ मखु धयाथे वयात जुल । अले  
थुलि बांलाम्हा मिसानाप व्याहा याइम्हा  
मनू गुलि भाग्यमानी जुइ धयाथे नं वयात  
जुल । थथे मन्य् अनेअनेगु खैं वायेका  
च्वंबले वया नुगलय् तिक्क मिन । वं छु  
मनं खन धासा- “थव ला पचिनाङ्गा थुकी  
सजीवता दुसां सभ्यता मरुनि, वास्तविकता  
दुसां मानवता मरुनि अकिं थवयात वसतं  
पुकाबिल धासा सभ्य संसारय सौन्दर्यया  
छगू नमुना हे जूवनी ।” थथे बिचा याना  
वं काचाकाचां वसपो फ्यना चापा काप  
मुनातगु लिकाल । उधिमे बांलागु कापया  
लं चाना सुया व कतामहियात फिकल ।  
पर्सि नं सिकल । जनी चिका गां नं  
न्ययेकल । थुलि यासें लि वया मन हे याउं  
से च्वन । तधंगु संग्राम त्याकाथे वयात  
जुल । अबले हे उखे’ थुखे’ लिखा हालाहगु  
तायेदत । नसंचाया ई जुल । छैं ज्या  
यायेमाम्हा आचागु दनावया वसिबं पूवन ।  
अले सुइका कतामहि अनंतुं तथा हानं छक  
लासाय् गवारातू वन ।

वँ पुपुवम्हा आचाजुं कतामहि खना  
थारा न्हूल । ‘सु मिसा ल्या थव, गनंवम्हा,  
सुनां हम्हा’ धयाथे वयात जुल । स्वर्ग-  
लोकं कुहां वम्हा सु’ देवकन्या ला धयाथे नं  
च्वन । थथे अथे धाये मफया ज्योथे जुया

च्वंबले राजकुमार दनावल । आचाजु  
काचाकाचां ब्वना ह्या कतमहि क्यन ।  
राजकुमार नं हाण्पां ला वाताहां च्वन ।  
लिपा भचा साहस याना ‘छु सुहां ? गनं  
वैगु ? छाय वैगु ?“ धका न्यन । तर छु  
लिस मव । हानं न्यन । अयनं मव । अले  
राजकुमारं लिक्क वना कथीक स्वत ।  
अयनं व व कतामहि जक ख, धात्ये म्हा  
मिसा मखु धका सीके मफुनि । तर  
कतामहि न नंमवासे, सनंमसंसे च्वंच्वंगु

छम्हा हे जूसा गुलि जिउगु धका मनमनं खैं  
ल्हाना व ला सुक च्वन । तर, आचाजुया  
मन मच्वं । कतामहियात जीवदान बीगु वं  
मतिइ तल ।

आचाजुं छैं छखां वसिवं पुना नील  
क्याहल । देकु- थिइ वना पुजाभ तल द्यो  
पुज्यात । अले पस बना न्यायेनीय ।  
यानाहल । जा थुया सकसितं नकल । तर,  
थम्हं मन । सिंकमि, पुं व सुइका जा नये  
धुनेव ज्या वन । राजकुमार नं पा च्वंच्वन ।  
अले आचाजु कतामहि ज्वना देकुथिइ वन ।  
कतामहि न्ह्योने तथा थके दुगु फुक्क तन्त्र  
मन्त्र प्रयोग याना व पुलिसं च्वन । थुलि  
बांलाम्हा कतमहियात जीवदान बीफत धासा  
संसार हे भभधाइ धयागु क्या विचार ।  
अकिं हे वं थुलि एकचित्त याना पुलिसं  
च्वंगु ख । वं गथे मतिइ तल अथे जुनं  
जुल । कतामहि मुसुहुं न्ह्ला मिखा पुलपुल  
कनाहल । बुलहु ल्हा-तुति नं संकाहल ।  
अले दनावया आचाजुया पालि भोपुल ।  
आचाजुया मनं भापाथे जुल ।

न्हापा निर्जीव कतामहि जक  
जुयाच्वंबले हे अपाय्सकं बांलाम्हा, आ धात्ये  
हे ला-हिं जाया कलाकारया कल्पना साकार  
जुया पिहां वम्हा सजीव मूर्ति जुबले ला व  
गुलि बांला जुइ धयो व्यागु मखु । वयात  
खैं वासापि न्याम्हेस्यां ई चुलुचुलु वन ।  
न्याम्हेस्यां व मिसा नाप व्याहा यायेमास्ते  
वल । वं फक्को वं जिं व्याहा याये धाइगु,  
वं फक्को वं जि व्याहा याये धाइगु ।  
सकसिनं थथगु अधिकारया खैं न्हिथन ।  
सिंकमि धाल कि थवयात न्हापालाक जि  
दयेकागु, अकिं थवजित हे मा धाल । पुं  
छु धाल धासा छैं न्हापालाक दयेकूसां लंपुलि  
छाया मिखा कंका जि, अकिं जि हे व्याहा  
यायेमा धाल । अनंलि सुइकालं न्ह्यचिला  
धाला वं धाल कि छिमिसं दयेका मिखा



खना व भचा अजुगति चाल । अले तीजक  
ल्हा यंका कतामहिया ल्हा ज्वन । अयनं  
कतामहि छुं मया । अनंलि वं कतां- महिया  
ल्हा तियास्वत । अले ल्हा ज्वना साल ।  
कतामहि छम्हा लिगिलिगि सन । आ धासा  
वयात संखा जुल । वं कतामहिया छ्वालय्  
म्हाय् उखें थुखें थियास्वत । अतिनि वं व  
दयकतंम्हा मिसा धका थुल । अले सिंकमि,  
पुंव सुइका स्वम्हेस्या कार्यशीलता व  
कार्यकुशलताया फलस्वरूप च्चिछ्या भित्रे  
दुम्हा धका नं सिल । देकताम्हा मजुसे धात्ये

## सचिष्ठ ड्यूस्वंग्रु ख्वप पौ. बःष्टि पौ(पाक्षिक)

कंकूसां वसते थुंका थवयात मानव समाजय् ब्वयेजीकाम्ह है जि, अकिं थव जित है जक दइ सिवेत छिमित दइमखु। आ आचाजुया धायेगु पा वल। वं तं थुगु खँ देथि लाका धाल - “ छिमिसं थथे याना, अथे याना धाल। छिमिसं धागु मखु मधया। तर न्ह्याम्हाहे न्ह्यागगु यासां थव मधाते म्हितेम्हा कतामहि हे जक खत सिबेत मेगु छुं मखुनि जिं जस्वदान बिसेसेलि थव मनू जुल। ब्याहा याये जिउम्हा जुल। अकिं थव नपां व्याहा यायेगु अधिकार जित हे जक दु, मेपिं सुयातं मरु!“ थुकथं प्यम्हे' सिनं थथगु माथं व मिसा नापं ब्याहा यायेगु खँ न्ह्यथन। राजकुमारया नं व मिसा खना लोबं। तर, वया छु धाये छु धाये जुयाच्वन। खूब गौर याना वं धाल - “स्व पासापि! छिपि आमथे ल्वाये छ्याये मते। छिमिसं हे थव मिसायात दयेकेत खनेदयेक जिं छुं यानागु ला मरु। अथे जूसां तबि न्हिनेन्हिने जिं पा च्वना चान्हे छिमित पालंपा पा च्वनेत जिं गुगु मौका बिया उकिं याना हे थव मिसा सृष्टि जुल। अकिं मिसायात दयेकेगुली जिगु नं ल्हा मरु धायेफड्मखु। सिंत्वा ह्या कतामन्हि दयेकेत मागु जोलं तालाका नं ला जि हे ख। हानं मेगु छता खँ, जि जुल छिपि सकसिनं हतेबने माम्हा राजकुमार। अकिं थव मिसायात छिमिसं जित हे बीमः। थुलि बालाम्हा मिसा राजकुमारया जकं कला जुइलो, मेपिनि कला जुइ मलो।”

न्याम्हेसिनं व मिसा नापं व्याहा यायेगु दाबि यात। धात्यें धायेगु जूसा व मिसायात दयेकेगुली न्याम्हेस्यां ल्हा मरुगु नं मखु। तर, मिसा दयाच्वन छम्हा, मिजंत धासा न्याम्हा न्याम्हा। अपाय्सकं हितचित्त मिलेजूपिं पासापिनि दथुइ व मिसां याना कच्चवं पिहां वल। छम्हेस्यां पूर्व स्वसा

मेम्हा पछिम स्वइम्हा जुल। विचरा मिसाया सुयात छु धाये! सौन्दर्य हे कलह्या कारण जुल धयाथें व्यात च्वन। अकि जीव लिकया थत हानं कतामन्हिया कतामन्हितु यानाव्यु धका नं इमिके इनाप यात। तर, इमिसं खँ मन्यं। सौन्दर्य कलह्या कारण मखु, थुलि बालागु सृष्टियात संहार यायेगु नं मनूया धर्म मखु बरु थव हक बेहकया खँ जूगुलिं थुकी हे लया ल दुर्या दुरु सीदयेकेमा धयागु इमि विचार। तर, सीदयेकेगु गथे! सकले थथगु खँय् दिपा क्याच्वंपि। न्हापा भभधागु छें आ भभधाल। न्हापा गय् च्वंक न्ह्याइपुसे च्वंगु, आस्वये हे म्हाइपुसे च्वन। तर, न्ह्याथे धासां छगु हे जहानथे जुया, छम्हा हे मांया मचाथें जुयाच्वंपि जूगुलिं थज्यागु- वातावरण जुइका च्वनेगु इमि नं मययावल। अकिं इपि न्याम्हेसिनं छन्हु साहुति याना व मिसायात धाल- “अथे मखु मयजु! छंगु बाबतय् जिमि थवंथ कच्चवं पिहां वल। सृष्टि हे संहारया कारण थें जुल। छ मदुगुसा थज्यागु कच्चवं पिहां है वइ मखुगु। तर, दयेके धुन। दयेका स्यंकेगु नं मनासिब मजू। न्हगु मदयेकुसे दुगुली जक सन्तोष जुया च्वनेगु नं मनुष्यता मखु। मस्तले मरु, दयेके धुंका छंगु जिगु धका ल्वापु थला च्वनेगु नं हिसि दुगु खँ मखु। छन्त जिमिसं दयेके धुन। छ जिमि मंका धन ख। अथे धका छन्त जिमि न्याम्हेस्यां कला यायेगु नं बालागु खँ मखु। अकिं जिपि मध्ये छं सुय, व्यात ल्य। व है छं भात जुइ अले ल्वापु ख्यापु तनी।“ थव खँ न्यना व मिसां धाल- “छिकपिसं खगु हे खँ धैदिल। थत यम्हा लिना वनेगु बालागु हे खँ ख। तर, जित सृष्टि यायेगुली छिकपि न्याम्हास्यां ल्हा दुगुलिं जिगु निम्ति न्यम्हा उत्तिगं - थव य, थव मय धैगु मरु। हानं हक बेहकया खँ जूगुलिं थवयात

बालाक हे पुरपच्छे यायेमा। मखुसा, आ जकं खँ कोजीथें च्वनी, दुने ला यरं ल्यना हे च्वनी। खँ धैगु चब्बुक हे सिधयेका व्ययेगु भिं। अकिं छिकपि न्याम्हं जुजुयाथाय् भाया निसाफ फ्वनादिसँ। जुजुं जित सुयाम्हा धाइ वैके वने, जि थम्हं हे ल्यया वनेगु भचा मछिथें च्वं।”

मिसां धांगु खँ इमि न्याम्हेस्यां चित्तय ल्वल। अकिं इपि मिसायात नं ब्वना जुजुयाथाय् वन। भारदारपि सकले छचाखेरं तया जुजुया सभा याना च्वंगु। इपि वसेलि सभा दिका जुजुं इमिगु खँ न्यन। थन नं इपि न्याम्हेसिनं वं फक्को वं जिगु हक धाल, वं फक्को वं जिगु हक धाल। कालाकुलु अप्पो जुया खँया खँ बालाक सीमदुगुलि जुजुं इमित शान्त याना धाल - “ भाजुपि, अथे हाला दीमते। जि छगु छगु याना न्यने, न्यनागु खँया लिस बियादिसँ” धाल। सकसिनं जित, जित धाल। अले जुजुं न्यन - “दकले न्हापा जित थव धैदिसँ, कतामन्हि दयेकूम्हा सु?”

सँक्मिं लिस बिल - “जि।”

हानं जुजुं न्यन - “अले छु जुल”

पु नं न्हचिला धाल - “सादाम्हा कतामन्हि बांमलाथें ताया जि वैत लंपुलि छाया मिखा कंका बिया। अले थव धात्यें थें च्वन।”

जुजुं अले न्यन - “वैत वसतं पुकम्हा सु ले ?”

सुइकालं धाल - “जि, महाराज ! पुनं लंपुलि छाया मिखा कंका धात्ये म्हा थें च्वंकूसां वैगु नगनता मतं। पर्सि सिका लनं फिकेवतिनि व सभ्य संसारय ब्वयेल्वल।”

जुजुं न्यन - “सियाम्हा कतामन्हि गय् मनु जुल ले ?” आचाजुं धाल- ‘जि याना जुल। जि पुलिसं च्वना जीवदान

## सचित्र उत्तरांगूरु ख्वप पौ बःछि पौ(पाक्षिक)

बिसें लि तिनि व्याहा याये बहम्हा भिखुदँया  
ल्यासे जुल । नत्रसा न्ह्यात्थे हे बालाम्हा  
जूसां कतांमन्हि नाप व्याहा याये धका सुनां  
धाइ !”

दकले लिपा जुजुं राजकुमारयाके  
“छिंछु यानागु ले ?” धका न्यन ।  
राजकुमारं धाल - “मेगु ला छुं मयाना,  
थव कतांमन्हि दयेकेगु सिंत्वा जिं हैगु ख,  
अले थुमित छुं भय मवयेमा धका पा च्वना  
थुमिगु बिचासंचा याना च्वनाम्हा नला जि  
हे ख । न्याम्हेसिनं खं न्यने धुं का जुजुं  
भारदारतेगु राय न्यन । छम्हेस्यां सिंकमिया  
हकं क्यं धाल, मेम्हामस्यां पुंया । अथे हे  
सुइकाया हकं क्यं धापि नं दु, आचाजु व  
राजकुमारया हक धापि नं दु । छम्हा तां  
धाइम्हा जूसा, मेम्हातिं धाइम्हा । छप्वा  
म्हुतु सुयां मजू । अले जुजुं फुकसित शान्त  
याना धाल- “सकस्यां छां हे राय जूसा  
बालागु । थथगु विचारं खंथे । छिकपिसं  
धाल, छिकपित धन्यवाद दु । आ जिगु  
विचारं खंथे जिं धाये ।” जुजुं छु धाइन थे  
धका सकस्यां न्यनेगु उत्सुक जुल । इपि  
न्याम्हा धासा नुग भाराभारा मिन । महातिं  
म्हातिं द्यो पुकरेयात ।

सास ल्हागु हे ताये दइला धयाथे  
च्वंक वातारण शान्त जुयाच्वन । जुजु  
घौपलख व्वच्छुना च्वन । अले तीजक छ्ये  
ल्हना धाल - “भाजुपिं, थौं भीगु न्ह्योने  
छगु न्हूंगु खं जूगु दु । व छु धासा सिंत्वाया  
मनू जूगु । थुकिं सीदु थव संसारय् मनुखं  
यानां मजुइगु छुं मरु । अले न्ह्यागु यासां  
याकचां जक मखु कि थवथं जाना यायेमा  
धयागु खं नं थुकिं सीदु । थव सिंत्वायात  
मनू दयेकेगु ज्याय् न्याम्हेस्यां उतिं ल्हा  
दु । न्याम्हासिया सहयोगं हे थव दुगु खा  
राजकुमारं सिंत्वा हैमतसा सिंकमि  
कतांमन्हि दयेकीगु खैमखु । सिंकमि  
कतांमन्हि मदयेकूसा पुंनं लंपुलिं छाया  
मिखा कंकीगु मखु । पुंनं मिखा मक्कूसा,  
सुइकालं वसतं मपुकूसा आचाजु’ जीवदान  
बीगु खं हे वइमखु । अकिं हक बेहकया  
खं ल्हाये धासा न्याम्हेस्यां उतिं हक दु,  
छाय्- धासा थव न्याम्हेस्या मंका ज्यां  
दुगु वस्तु ख । तर जीव दये धुकूम्हा  
मनूयात न्यायेमीय नं यायेजिउगु मखु,  
इनाकाये नं जिउगु मखु । अकिं आ भीसं  
व्यवहार कथं स्वयेमाल । थुकथं स्वयेबले  
थव मिसा सुइकायाम्हा जूवड धैगु जि

भापा । छायधासा न्हापालक दयेका  
बिउम्ह मां जुइ । अकिं सिंकमि थवया  
मां ख । लंपुलि छाया मिखा कंका  
सुसाकुसा याम्हा सुसारे जुइ । अकिं पुं  
थवया सुसारे ख । जीवदान बिउम्हा बौ  
जुइ । अकिं आचाजु थवया बौ ख । थव  
फुकक यायेत सिंत्वा हैबिउम्हा मालिक  
जुइ । अकिं राजकुमार थवया मालिक  
ख । हानं पा च्वना सुयातं छुं भय  
मदयेकेत बिचायाता च्वनीम्हा जूवले व  
छम्हा हामा नं जुल । सुइकालं पर्सि  
सिका लं फिका बिउगुलिं व थवया भात  
जुल । थुकथं थव मिसा न्याम्हेस्यां नातां  
क्यं । तर, कलाया नातां धासा सुइकाया  
हे जक क्यं । अकिं थव मिसा सुइकायाम्हा  
जुइ, वनाप हे थवया व्याहा यानाबीमा ।”

जुजुया निसाफ न्यना सकस्यां मन  
च्वन । ‘जुजुया जय’ धाधां इपि न्याम्हं  
मिसायात ब्वना छुं लिहां वल । अले  
धूमधाम नकसां बाच्छाइ बाजं थाका व  
मिसायात सुइका नाप व्याहा यानाबिल ।  
खुम्हेस्या फुफुम्हेस्यां फुफुगु ज्या याना  
सकसिनं हाइहाइ धायेका जीवन हनाच्वन ।  
उलिचा बाखं थुलि ।

नेसं. ८०० पाखे निसे भ्रमवश विदेशी तसे नेपाल भाषायात ‘नेवारी’ धायेगु याना हःगु खः ।

## इत्यप

ख्वप नगरपालिका पाखं पिथाड च्वंगु ख्वप पौ बःछि पौ ख्य बालागु च्वसु  
त बियो र्वाहाली याड दिसँ । उगु रचनाया ल्य ज्या याड पारिथमिक बियगु  
खाँ ख्वप नगरपालिकाया २०७७ श्रावण २६ गते च्वंगु बैठकं  
क्वः छ्यूगु खाँ व्याक च्वडा ।

सम्पादक  
ख्वप पौ

## अमर सहिद पिनिगु बःचा हाकलं रहासिइका:

उब्लेया निरड्कुश पञ्चायती शासन व्यवस्थाया विरुद्ध २०४६ साल फागुन द गले जनआन्दोलन न्ह्याकय्गु खाँ क्वः जि काथं पञ्चायती व्यवस्था क्वः थय्ता जुगु आन्दोलनय सहादत प्राप्त याड द्युपुं सहिद पिनिगु लुमन्ति दायঁ दाँ सं फागुन द गतेता 'सहिद दिवस' काथं डायकः वयो च्वंगु दः। वयक सहिद पिनिगु बःचा हाकलं जीवनी पिब्बय ताडा।

**सहिद कृष्ण राम दुवालः**




सहिद कृष्ण राम दुवाल वि. सं. २०२३ असार ७ गते ब्वा पूर्ण बहादुर दुवाल व मां कृष्ण मायाया कान्छाम्हा काय्काथं गोमारीया छगु किसान परिवारय् जन्म जूगु खः।

मैयाँ दुवाल नपां इहिपा जूय धुंकम्हा सहिद दुवालया छँ या अवस्था कमजोर जुगुलिं ९-१० दाय् जक स्कूल वाड प्यांग् तरिंतक जक ब्वंसां नेपाल क्रान्तिकारी विद्यार्थी संघं ब्वंकगु बहनीया कक्षाय् ब्वड २०४० साल पाख्य् नेकावि संघया दुजः नं जुयो दिल। त्वालय मथाय् मःकाथं रवाहाली याड दीम्हा, पार्टीया सभा सम्मेलनय् ना: त्वंक जुयगु ज्या याड दीम्हा वयकया छँ २०४५ सालमा भवखाचां थुड

बिल। थःगु स्वयो कतयालागि ज्यासाडः दीम्हा वयक उब्लेया नेपाल मजदुर किसान संगठनया थी थी बैठकय् भायो मेपिन्ता च्वयकेगु ज्या नं याड दीम्हा वयक २०४६ साल फागुन द गते बैं वानय्ता क्वल्हैं ज्वड प्याहाँ वय धुंकम्हा जुलुस वला धाय् बै जुलुसय् ब्बति कः भःम्हा सिता उब्लेया जनहत्यारा पञ्चायती सरकारं विषालु डमडमगोलीं क्यमः साकोथाय् स्याड बिला।

**सहिद राजकुमार सुवालः**



सहिद राजकुमार सुवालया जन्म वि.सं. २०२५ माघ १० गते ब्वा रत्नकुमार व मां राजमायाया जेठाम्हा काय् जुयो व्यासी १० बडाय् जन्म जूगु खः। छम्हा किजा, डाम्हा कोहँ व थः जहान, डाला दःम्हा म्हयाय् त्वःत वयक देशया लागि सहिद जुयो दिल।

न्ह्यदाया इलय बासु निमाविं प्राथमिक शिक्षा, प्रभात मा.वि २०४२ सालय् एसएलसी पास याडः नवदुर्गा क्याम्पसय् कानून अलय लिया भक्तपुर बहुमुखी क्याम्पसय् मानविकी ब्वडः द्यूम्हा वयक २०४२ सालय निसें नेकाविसंया सक्रिय दुजः जुयो पार्टीया ज्याख्य् थाकु मचः से

जुइम्हा वयक २०४५ सालया 'भक्तपुर काण्ड' या इलय मग्यार्सी ज्या साड द्यूम्हा वयक सकलसिया तस्कं योगहा, सैद्धान्तिक रूपं स्यल्लाम्हा खः।

जनआन्दोलन हछ्याय्ता सक्रिय जुयो हज्याड जुम्हा वयक शत्रुया हः नय्कप ब्बष्टुक मखु कप धस्वाकः वीरगति प्राप्त याडः दिल। फागुन द गतेया शान्तिपूर्ण जुलुस निहत्था जनताता गोलीं क्यक तः माही क्यकगु गोलीं वयक सहिद जुयो दिल। छातीया देपा पाख्य गोली लाम्हा सुवालता न्हःपां भक्तपुर अस्पताल अलय वीर अस्पताल यंक अपरेशन यागु खः। इलय हे उपचार यागु जूसा वयक म्वाइगु जुई। लिपा लाड चान्हय २ बजे ता इलय वयकलं वीर गति प्राप्त याडः दिल।

**सहिद हरिकृष्ण भुजु-**



सहिद हरिकृष्ण भुजुया जन्म वि.सं २०२७ फागुन २८ गते बंशगोपालय् ब्वा हरिभक्त व मां कृष्णमाया भुजुया काय् जुयो जन्म जुयो द्यूम्हा वयकया किजा छम्हा व काय छम्हा नं दः। वयकया प्राथमिक शिक्षा काभ्येया दाच्चाय् च्वंगु कृष्ण मा.वि. जूगु खःसा माध्यमिक शिक्षा ख्वपया विद्यार्थी निकेतनं एस एल सी पास याड द्यूगु खः।

## सचिंत ड्यूस्वंगृगु खप पौ, बःषि पौ(पाक्षिक)

माध्यमिक तगिं क्वचाय् क  
ब्यापारय् लगय जुम्हा वयक राजनीतिक  
रूपं नेपाली कांग्रेसया समर्थक खः ।  
किबाय् स्वं सिमा विचःयाय मंदम्हा,  
वयकः अविवाहित खः । खिचा लहिय  
मंदम्हा, भलिबल मितिम्हा थी थी धिं  
धिं बल्लाखय् नं ब्वति कायो द्यूगु दः ।


फागुन द गते या शान्ति पूर्ण  
जुलुसय तःमाही क्यकगु गोलीं लाडः  
वयक वीरगति प्राप्त याडः दिल ।  
**सहिद निर्मल कुमार शाक्यः**



**सहिद निर्मल कुमार शाक्यः**  
जन्म वि.सं. २०२२ असार १५ गते ख्वपया  
बेखाल क्वाठण्डौ त्वालय ब्वा ज्योति  
वज्र बज्राचार्य मां असल माया शाक्यया  
याकाकाय् जुयो जन्म जूगु खःसा वयकया  
कहेँ छम्हा नं दः । सुकूल ढोकाय् च्वडु  
दीम्हा वयकलं श्री पद्मं एसएलसी पास  
याय् धुंकः भक्तपुर क्याम्पसय् नेगू दाँ  
या परीक्षा बिय धुंम्हा खः । न्हपां  
राजनैतिक विषय चासो तयो दीम्हा वयक  
पासाभाई पिनिगु खाँ मफया धाय् मफम्हा  
जिम्नास्टिक कासाया राष्ट्रिय खेलाडी  
जुयो अपलं मेडलत त्याक तःम्हा, छुं म्ये  
नं च्वयो द्यूम्हा वयकं बखुं लहियगुलि  
तस्कं सौखिन खः ।

स्वनिगलय जुइगु थी थी सभा  
सम्मेलनय् भायो श्रोता जुयो दीम्हा

फागुन द गते या पञ्चायत विरोधी  
आन्दोलन संघर्ष याडः च्वंम्हा सिता  
सुचुकः कायरतापूर्वक क्यकगु डमडम  
गोलीं वयक खिँचूँ वीरगति प्राप्त याडः  
दिल । भारतया थीथी थाय् चाहिलय  
धुंकम्हा वयक इहिपा मजुम्हा खः ।  
**सहिद महेश श्रेष्ठः**



जन आन्दोलन न्हयायवं थीथी  
ज्या इवःखय् सकृय जुयो द्यूम्हा महेश  
श्रेष्ठ याता चैत्र २४ गते गोलीं लाता ।  
केपुलि वगु जुलुसया न्हयलुवा जुयो  
भःम्हा वयकता येया रानीपुखु व राष्ट्रिय  
नाचघरया दथवी कमलादी जुगु गोलीं  
लाडः वयकं वीरगति प्राप्तयाडः दिल ।  
उकिया खुल्ला लिपा वीर अस्पतालय्  
उपचार याय् इवलय् सहिद प्राप्त याडः  
दिल ।

वि.सं. २०२४ फागुन ५ गते  
ख्वपया बोलाँचूँ त्वालय बुम्हा मां यानां  
गंगादेवी व ब्वा वर्णगोपाल श्रेष्ठ खः ।  
वयकया नेम्हा दाजु पुं दः ।

एसएलसी धुंकः वयक साधारण  
इलेक्ट्रोसियन काथं ज्या याड द्यूम्हा  
वयकया इहिपा २०४६ सालय् रचना श्रेष्ठ  
नपां जूगु खः सा २०४७ बैशाख ३० गते  
थव धर्ती त्वःत दिल ।

**सहिद पुष्प रत्न शाक्यः**

सहिद पुष्प रत्न शाक्यया जन्म



वि.सं. २०१९ भदौ १ गते बेखाल क्वाठण्डौ  
त्वालय ब्वा मुक्तिरत्न शाक्य व मां हुन्छे  
माया शाक्यया याकाकाय् जुयो जन्म  
जुयो द्यूम्हा सिया तिरिमय्जु विजय  
लक्ष्मी शाक्य व काय पुजन शाक्य खः ।

ख्वपया पद्म हाइस्कूलं हिगू  
तगिंया शिक्षा काय् धुंक वयकलं लुँ  
ज्या याडः जीवन न्हयाकः वगु खःसां  
लिपा न्हूँ न्हूँगु ज्याकेट सुयगु ज्याखय्  
जूयो द्यूम्हा वयकः नेमकिसं पाखय्  
सहानुभूतियो दीम्हा खः । नपां  
साफूकुथि निः स्वानय् न्हिपौ त  
ब्वनय् न्हुलि मन क्वसःम्हा वयकलं थः  
ज्या सानय् न्हूँ सतकया न्यू हयूमन  
फिट टेलर्सय् नेमकिसंया बाँ बालागु  
खाँत थः पासापिन्ता कानय् याडः  
दी ।

चेस मितय् योम्हा वयक  
जनआन्दोलन हज्यायवं पसः तिक्यू  
मता स्याय् ज्या नपां पर्चा ब्वडः न्यकः  
जुइम्हा वयक कर्पर्यु जुयवं छूँ ल्याहाँ वय  
मखान । चैत्र २६ गते चान्हय् निर्दलया  
अन्त्य जूगु खाँ ब्वछियवं ‘बहुदल  
जिन्दावाद’ धायो लयतायो प्याहाँ भःम्हा  
शाक्य जु याता शाही सेनां यैं भेडा  
सिंगय् गोलीं क्यकः स्यात । बहुदल  
वयानं वीरगति कायो द्यूम्हा मध्ये स्व.  
शाक्य नं छम्हा खः ।

## होली व होलीया महिमा

आशा कुमार विक्रंबजार

‘होली’ खाँवः या अर्थ मा मा वानय् बलय् होलीयागु अर्थ न स्वापु दःवै । उकिं रद्ग होलय्गु छगु उत्सवधा नखा काथं डाय् कः वयो च्वंगु थुगु नखाता रद्गया नखा, उमंगया नखाकाथं कायो च्वंगु दः । धात्यें धाय् खःसा ऋतु मध्ये दकलय बांलागु, भिंगु, अलय् च्वजःगु ऋतुराज वसन्तया यौवनं जःगु इलय मन्या चं चं धःगु मनं चिकुला नपां त्याकः वयागु उत्सव नखा दक होलीता धायो च्वंगु सियदः । मनूजक मखु सकल प्राणी स्वां, सिमा चुली जायो ल्यासे बैस पिज्वइगु, चखुं बखुं लयतायो चिरिबिरीसलं न्यासिचाचां थुगु वाउँगु सिमासं उगु वाउँगु सिमासं हुसुलुं पुयथें ब्वयो जुइगु छगु स्वय हायंपुगु लु लिसें पशुपन्छीयाय् रतिराग भावनां जाइगु थुगु बसन्तया इलय् चाकलीं वाउँयो मन याउँइकिगुलि मन न चं चं धायो साहित्य पिज्वइगु ई खःजक शताब्दी पुरुष सत्यमोहन जोशी जुं कक्षा कवथाय् काडः दूगु थुगु इलय हे न्ह्याब्लेखःला धायो स्वय् गु इच्छां जाइगु ।

होलीया इलय् भ्यालं पिनय् आलुबाया तुकं म्बयो मः  
हाडःयखाय हैगु स्वस्वं म्यैं हाली-

भ्यालय् दकः तुकंमः बहे ल्यासे जिता मः

व ल्यासे मद्यक्तं जा हे मनया ॥

यवः जा हे मनया

थाना तुकं मः नपां ल्यासे मयजुया खाँ स्वाय हःगु छुं न स्वापु मरु थें ताय्की । अथेतं तुकं मः हानय् सःम्हा ल्यासे वा लाहातय् ज्यादःम्हा ल्यासे मयजुयाता मनं निसें यःकः ल्योगु, खाँ गौणकाथं सुचुकःच्वंगु सिय दः । थौं कन्हे तुकं मः, कँ मः हानय् सःपु उलिमदय धुक्कल । थव भीगु मौलिक सीप खः । महगः बैमौशमी तरकारी मरुगु इलय, अलय तरकारी (के) न्याडः मखु थमनं हे कँ हवल, म्वयो, मँ हाड सुकु खाड, दाच्छितक नयता स्वथाडः (भण्डारण याडः) तय फःसा जक दाच्छितक नय दैगु व उगु तुकं सुकु के, न्ह्याब्लेअथेहे सबःदयो च्वनिगुलि व स्वास्थ्यता निंगु जूगुलि भी पूर्खा स्यडः तकगु ज्या दुनय् गुलि वैज्ञानिक तथ्य दः धाय् गु सिइकःभीगु मौलिक पहः ल्यंकः तयमःगु खाँ न थुगु म्यैं दुनय दुसुडः च्वंगु दः धाय् गु खाँ भीसं थुइकेमः नपां थाय् पह, ई, स्वयो उकिता ल्ययकः ज्वंकः साहित्य पिथानय् फःसा व न्ह्याब्लेम्वाडः च्वनिगु सदावहार जुइधाय् गु सद्वेश नं थाना धाय पाय्छि ज । गुकिया मर्म मथयो थौं अरबौतकाया बिषादीयुक्त तरकारी विदेशं न्याडः नयमःगु खायैं नं भीसं दुवालः स्वय मःथें च्वं ।

सामन्ती व्यवस्थाय लाय्कुया ज्या सिति वा छुं भाति ज्याला कायो ज्या वानय् गु याई । कठोर ज्या, ज्याकाथंया ज्याला

मदैगु, अलय् गुलि ज्या सानय् गु वा गवःघौ सानय् गु स्वयो खानय् दः तलय धाइगुलि ज्या खं दिडः वय धुकः थ वं थवय् रसरद्ग याडः वगु इलय त्रिपुरेश्वरया कालमोचनय् थ्यंगु इलय उब्लेया ल्याहोचापिसं व थाय् स्वयो अथें म्यैं दयकगु खाँ नं लोकसाहित्यविद सत्यमोहन जोशींजुं काडः दूगु खः ।

प्यखय् प्यम्हा तयो तःपुं सिंग मखुला ?

वया हःनय दाडः च्वंम्हा जुजु मखुला ?

प्रशद्ग थाय् व थाय् काथंया म्यैं विगु जकया खः, म्यैं या व्याख्या मखु । परिस्थिति, ई, वातावरण स्वयो म्यैं चिनय फःपु भी पुर्खाया सन्तान तयसं बुलुहुं न्हूं साहित्य सिर्जना मयासें वहे पुलांगु म्यैं त जक हा हां ई फूकः च्वनाला ? लिफः स्वय् मःगु खः । ई न्ह्याब्ले वइमखु स्वं न्ह्याब्ले हवइमखु धायो च्वनिपिसं धायो दूयैं-

- मनू जूनि जौबन धैगु छक जक वै ।

- स्वां धैगु बसन्तया इलयजक हवै ।

जीवन अनमोल खः । कवत्यकः जक म्वाडः च्वनय् गु खःसा भी जकमखु भी कन्हेया सन्तानतयसं नं वहे दुःख फयो नय माली । साहित्य दुनय् वर्ग दैगु खाँ वरिष्ठ च्वमि भाजु हरिबहादुर श्रेष्ठजुं धायो दूयैंहोलीया पुलांगु म्यैं नपां समाज ग्वाकिगु, जनताता चेतना बिइगु होली म्यैं नं सिर्जना याय् हथाय् मजूनिला ? सकल सिया मनय् ग्वाय् मःगु खः । प्रगतिशील भजन याय् धुथे प्रगतिशील होली म्यैं नं याय् दःसा थव उत्सवया नखा दुनय् उत्सवाह्या मनय् नं स्वां हे महवै हे मखु । न्ह्याब्लेहोलीया मेला, मयजुं मस्यूला ? अबिरं भाचा तकला जक तंचायाला ? दक म्यैं छुडः मच्वंसे थुकिं न्हूंगु पहः न्ह्याकय् गु ई नं भीसं हे सुरुवात याय्मः । नत्रसा फोहरगु नाखं छ्वाकः ह्यगु, प्लाष्टिक व च्वपुचा (बेलुन) या प्वःचां क्यकेगु, मोबिल, इनामेल इयिकेगु थःजगु विकृति हाँगः काकां वई ।

धर्म उब्लेया सामाजिक, नैतिक कानुन काथं वगु खानय् दः । मानव समाजया विकासय् ह्यत्या-हिंसा व दमन-अत्याचारया विरोधय् थी थी पौराणिक बाखंत स्वाय् हयो समाजय् पाप, धर्मया छगु त्रासया लट्ठा थानय् हल । अलय् ‘खाँसः म्हा द्यो, खाँ मसःम्हां च्यो’ धः थैं खाँ सःपु च्वयच्वयया वर्ग थः दखय् लिकः धार्मिक ग्रन्थता पिथां से लिं धर्मया नामय् वगु जात जातिया दमन, थिय् ज्यु मज्यु ना: चलय् जू मज् या अनेक जःदःगु धार्मिक कानुनया जंजालय लाडः शोषणया पहाडः यक्व निमुखा, नुवाय मफूपुं जनताया

## सचिष्ठ ऊर्जवंगृगु ख्वप पौ. बःष्टि पौ(पाक्षिक)



जीवन थूंचां मारी क्यः यें क्यलः यंकल । व अन्धविश्वासया भाजनय्  
छु छुं सतिप्रथाया ईतकः अकाल ज्यान काल । अजगु इलय नं  
'असत्य गुब्ले त्याइ मखु सत्य गुब्ले बुइमखु' धायो हिरण्य कश्यप  
व भक्त प्रलहादया बाखं स्वाय है ।

पौराणिक बाखं काथं कठोर तपस्या यो वांम्हा  
हिरण्यकश्यपया जहानम्हा कया धू मचा प्वाथय् दःम्हा त्वःत वगु  
इलय स्वर्गया जुजु ईन्द्र वाडः कया धूता अपहरण याडः हल ।  
थव खाडः आकाशमार्ग अपहरण याड हयो च्वंम्हा ईन्द्रता ब्रह्म  
ऋषि नारदं गर्भवती महिलाता वया श्रीमान मरुगु इलय थजगु  
अपराध याय् मज्यूगु खाँ व्याकसेली ब्रम्हचारी नारदं कया धूता  
लहिडः तय्गु खाँ धःसेलिं नारदया खाँ खःयें च्वडः वयाय्गु  
जिम्माय् त्वःतः वान । अलय् न्हयाब्ले नारदं भगवान विष्णुया  
नां कायो च्वनिगु न्यंगुलिं प्वाथय्या मचा (भक्त प्रलहादं) बुसां निसें  
भगवान विष्णुया नां कायो जुल । अलय् चान्हय् न्हिनय् मनुं द्यो  
पशु, पंछी, अनेक तरहं स्याय मफैगु बदरान कायो वम्हा  
हिरण्यकश्यपं थः तिरिमय्जु व काय भाजु ब्वडः नारदता सुभाय  
कियो वांसेलिं हिरण्य कश्यपयामनय् नं प्याहाँ वैगु खाँ थः काय्  
थःगु जय जयकार मयासें भगवान विष्णुया नां कायो जूसेलिं  
वयाता स्याय्गु ज्या इवलय् थः केहें होलिकायाता जिम्मा बिल ।  
मिं मथिङ्गु बरदान कायो तःम्हा होलिकां प्रलहादता ज्वडः मिख्य्  
दुब्बाडः वोम्हा होलिका प्रलहादता छुं मज्जूसें थःहे मि न्वयो सीगु  
लिं होलिका दहन काथं नं होली नखा लुमांकः च्वंगु दः । गुकिं  
अत्याचारं छन्ह नं छन्ह विदा फ्वडः मवांसे मगा धाय्गु खाँ नं  
होली नखा पाखं सय्केगु कुतः याय मः । अत्याचाररया पःखः  
तःजालकिं न्हयाथिन्योगु बल्लागु दसां छन्ह नं छन्ह ववःदैगु खाँ नं  
सिइके फः ।

बसन्त व होलीया स्वापु ला व लुसियें धःसां ज्यू ।  
विन्द्रावनय् राधा, कृष्ण व गोपिनी पिनिगु रद्ग मितिगु पर्व काथं

थुगु होलीता मानय् याडः वयो च्वंगु दः । थुगुइलय वसन्त रागया  
म्यें हालिगु नं चलन दः । गथेकी छपु पुलांगु म्यें-  
श्याम सुन्दर, कृष्ण सुन्दर  
वसन्तया बेलासं, राधा व म्हेतल वान ॥धु॥  
तुवा, चन्दन, अबिर होला व रे २  
थिथिं ज्वड तयाबरे रे हाँदे  
थिथिं ज्वडः तयाब न्हिला ब, होला ब  
होलका, कान्हाजुं रसनविज्याक  
ल्हाकम्हाया अनाथमा आशा जुल । राधा व .....

थुकाथं विन्द्रावनया प्राकृतिक छटा नपां थःभूलय जुयो  
रसवसया खाँ, काथं म्यें हालः थ वं थवय् अबिर हवलः मितिगु  
नखा नपां स्वाय हःगु दः । गनां कृष्णाता कंशं स्याकय् हः म्हा  
पुतनाया दुरु हे सुकः त्वडः स्पाडः व्यूगुया लसताय् होली नपां  
स्वाइगु नं चलन दः । न्हयागु थःजु थव ऋतु म्यें नपां स्वापु दःगु  
अलय् रद्ग हवलः रसजागु ई, बैसया माधुर्यताया लिच्चं जःगु छगू  
बिस्कं पःह्या नखा खः । थुगु इलय उलि तःहांगु भवैं मखु फागुया  
महिमा काँ कां जासे वगु वैसया चञ्चलाता नपां प्यपुंगु मनया  
लिच्चः थथे न्यंकः च्वनि-  
फार्गुनया मेला, मयजुं मस्यूला  
अबिर भातिचासां तय न्हयाला ?

अलय् समायाडः प्याहाँ वम्हा ल्यासे मयजुंया पहःला लकसय्  
पिज्वयो च्वंगु स्वं, सिमाया बैस नपां त्वाय चिडः ल्वापु ख्यापु व  
दुःख छन्ह जूसां तांकः थःवं थवय् मतिनाया गाच्वः ब्वयकः,  
एकताया पहः क्यडःदाय् किगु होली पुन्ही बलय्-'फार्गुन बलय्  
याकचा जि वानय् मछाला' धाय् म्वायकः छगु हाँयें पुगु नखा काथं  
डायके फःसा विकृतिं कप ल्हानय् फैमखु । मखुसा वहे पहः याता  
कायो सकल सि नं भीता बांमलागु मिखालं स्वयो धिक्कारे याई ।  
होली भीगु संस्कृति नपां स्वाडः यंकय् नु ।

## खप नगरपालिकाया ज्या भवः त

### कानून अध्ययन समाजया राष्ट्रिय भेला

फागुन १४ गते



नेपाल मजदूर किसान पार्टीया नायोभाजु तपां वरिष्ठ राजनीतिज्ञ नारायणमान बिजुकछौं (रोहित) जुया मू पाहाँलय कानून अध्ययन समाजया स्वकंगु राष्ट्रिय भेलाया उलेज्या याडुः दिसे देशय् मज्जूगु व राष्ट्रघाती नीतिनियम वगुलि दलाल बुद्धिजीबीपुं जिम्मेवार खःधायो दिसे देश विदेशया अधिनय वांक्य् मबियता कानून व्यवसायी पिसं कानुनी व वैचारिक संघर्ष न्ह्याकः यक्यमः धायोदिल ।

आर्थिक दरिद्रता स्वयो बैचारिक व संस्कारगत दरिद्रता ग्रापुइगु खाँ काडुः दिसे वयकलं आर्थिक गरिबी छुं दाँ मिहिनेत व कुतं न्हांक्य् फैगु अलय् वैचारिक व संस्थागत दरिद्रतां गुब्ले थःगु तुतिख्य् दानय् मफैगु नपां स्वाधीन जुय मफैगु खाँ कुलः दिसे न्हपा कानुन व्यवसायी जुयो च्वांपु अपलं नेतात लिपा राज्यया च्वय च्वयया तहतक थ्यांपु व्यवहारिक रूपं विरोधीत पाखं हाडुः च्वंगु अपलं दसु तः दः धायोदिसे छगू छगू खायँ आलोचनात्मक मिखालं स्वयगु व अध्ययन अनुसन्धान याय्गु बानी विकास याय्मः धायो दिल ।

नायोभाजु बिजुकछौं जुं जनता राजनीतिक ढंगं सचेत मजूतलय् नपां थःगु शक्ति थमनं मथूतलय् दुःख सियो च्वनिगुलि जनताया चेतनास्तर थाकाय् मफू तलय देशय ह्यूपा वैमखु धायो दिल ।

च्यो-भवाति (दास) युगाय् च्योतय्गु व्यवस्था ल्यंक तय्ता च्योतय् दश्वी ज्यान काय्गु लडाइँ याकः अमिगुदश्वी शत्रुता

याकः तय्गु याथें अः शासकवर्गं शोषित पीडित जनताया दश्वी जात जाति, भाषा, धर्म व लिङ्गाया लिधांसाय् फायो बियगु ज्या याडुः च्वंगु खाँ वयकलं काडुः दिल ।

धात्येंगु खाँ थौ तकया इतिहासय् मच्वगु, ज्यासाडुः नैपुं जनताया योगदानत न्हिथाडुः मतःगु विश्वया इतिहास थें नेपःया इतिहास न लिप्यडुः हकनं च्वय मःगु खाँ नपां देया स्थानीय तहता स्वायत्तता व विकेन्द्रीकरण नं जायके मःगु खाँ नेमकियां यक्व हाँ हे धायो वगु उकिं स्थानीय तहता अधिकारं जायकः ब्यूसा प्रदेशतहया सरकार हे म्वःगु खाँ ब्याक दिल ।

नायो भाजु बिजुकछौं जुं शासक दल तय्सं खप विश्व विद्यालय विधेयक पारित मयागु अजु चायपुगु खाँ मखु धायो दिसे शिक्षा व स्वास्थ्य उपचार थजगु जनताता मदयक मगागु चिजता निजीकरण याइगु देशय् विदेशी विश्व विद्यालय, कलेज चायकः लबः नदागु व नेपः या ब्वनामिपिन्ता विदेशय् ख्याडुः छ्वपिसं सरकार व स्थानीय तह अन्तर्गतया कलेजया विरोध याइगु न्हाँगु खाँ मखु धायो दिल नपां पुँजीवादी व्यवस्था दः तलय अपलं ज्या साडुः नैपुं ज्यापु-ज्यामितय्सं दुःख सिइगु खाँ ब्याकसे जनताता राजनीतिक पार्टी छगू नं छगू वर्गया पालिडुः जुइगु व समाजवाद व साम्यवाद व्यवस्थां जक शोषण दमन व अन्याय अत्याचार क्वः दैगु खाँ काँकां वानय् मः धायो दिल ।

भेलासं नेमकियाया केन्द्रीय दुजः नपां कानुन अध्ययन समाजया सल्लाहकार, खप नगरपालिकाया प्रमुख सुनिल

प्रजापति जुं संविधानकाथं देश संघीयताय् वानय् धुंकसां व्यवहारय् पातु पाडः चिच्याघेराय् कुँ कुं संघीयताया अभ्यास जुयो च्वंगु खाँ ब्याकसे संघ व प्रदेश सरकारं स्थानीय तहं हे पूवांकय् फैगु चिच्याचिच्या हांगु योजनाखय् बजेट तयो स्थानीय अधिकारया जिम्मा लुटेयाडः च्वंगु दः धायोदिल ।

ख्वप विश्वविद्यालय चायेकगु ख्वपया जनताया जक इच्छा मखुसें देशां देहिया शिक्षाप्रेमी पिनिगु माग जुय धुंकगुलिं शासक दलता व सङ्घ सरकारं संविधानं व्यूगु स्थानीय तहतयसं कलेज व विश्वविद्यालय चायके दःगु शिक्षाया हक वियता अस्वीकार याडः च्वंगु दः धायोदिसें देशया न्यायिक प्रक्रियां गरिब जनताता न्याय बियमफयो च्वंगु अलय न्यायाधिश पिनिगु नियुक्ति नपां दलीय भागवण्डाखय् याडः च्वंगु गलत प्रवृत्तिं न्यायपालिकाया विश्वास म्हवँ जुयो वांगु दः धायो दिल ।

कानुन अध्ययन समाज केन्द्रीय समितिया नायो रामप्रसाद प्रजापतिया नायो- सुई क्वचःगु उलेज्या ज्याभ्वःसं ख्वप कलेज अफ ल या प्राचार्य अनिता जधारीजुं भिन्तुना न्वचु तयो दिलसा समाजया शिवराज दाहाल व गम्भीरमान ज्याख्वं नं न्वचु तयो द्यूगु खः ।

भेलाया नेकगु चरणय् नेमकिपाया केन्द्रीय दुजः

## ख्वप कलेजय शिक्षक व कर्मचारी मुं ज्या

फागुन १५ जाते



नेपाल मजदुर किसान पार्टीया नायो भाजु नारायणमान बिजुकछौं (रोहित) जुया मू पाहाँलय् ख्वप नगरपालिकापाखं चायक तःगु ख्वप मा.वि., ख्वप कलेज, शारदा क्याम्पस / मा.वि., ख्वप कलेज अफ लया मंक ग्रसालय कलेजय ज्यासाडः च्वंपुं शिक्षक कर्मचारीपुं मुक्क: कलेज व विश्वविद्यालयत राजनैतिक कार्यकर्ता ब्ललांकय् थाय् जूगुलिं विश्वविद्यालयसं राजनीतिक भाग वण्डा

**सचिव उत्तरांगगु ख्वप पौ, बःष्ठि पौ(पाक्षिक)**  
नपां नेपाल प्राध्यापक समाजया नायो भाजु सरोजराज गोसाईया नायो सुई अध्यक्ष मण्डल दयकः नायोभाजु प्रजापति केन्द्रीय समितिया प्रतिबेदन, न्वकु नरहरिनाथ योगी समाजया विधान संशोधन प्रस्ताव, केन्द्रीय दुजः शिवराज दाहालं नेपाल वार एशोसियसनया निर्वाचनलय छ्यलय्गु सम्बन्धी प्रस्ताव व मेम्हा केन्द्रीय दुजः शिवराम बोहजुं राष्ट्रिय व अन्तरराष्ट्रिय प्रस्तावया प्रतिवेदन पेश यागु खः ।

बन्द सत्रं अधिवक्ता रामप्रसाद प्रजापतिया नायोसुई हिंगुम्हासिया न्हाँगु केन्द्रीय समिति छपाम्हूतुं निर्वाचित यात । समितिया नेम्हा न्वकुपुं शिवराज दाहाल व अनिता जधारी, छ्याञ्जेख्य् गम्भीर मान ज्याख्व व दांभारी राधेश्याम सुवाल पुं निर्वाचित जूगु खः ।

निर्वाचित केन्द्रीय समितिता लसहना न्वचु देहासे अध्यक्षमण्डलया नायो भाजु गोसाई जुं कानुन अध्ययन समाजया दुजः पिसं समस्यां काडः च्वंपु व निर्दोष ज्यासाडः नैपुं जनताया पक्ष वकालत याडः समाजय ह्यूपा ह्यता धिसिलागु ग्राहाली याइगु विश्वास प्वकः दिल ।

अध्यक्ष मण्डलय नेम्हा अधिवक्तापुं विकल प्रजापति व आशा कुमार चिकंबञ्जार नं लसहना न्वचु तयो द्यूगु खः ।

व नियुक्तिं सः स्यूपुं सक्षम व योग्यपुं मनूत छख्य् लाडः च्वंगु दः धायोदिल ।

जनताया मतिकाथं देशं आर्थिक प्रगति याय मफूगुखाँ ब्याकसे वयकलं सरकार असफल जुय धुंकगु खाँ काडः दिल नपां शिक्षक व प्राध्यापकपिसं चख्यंक स्वपुकुनं स्वयो ब्वनामिपिन्ता ब्वंकय् गु व थमनं ब्वनय्मःगुलि बः बिसे जाँच पास याय्गु मतिं जक ब्वंपुं ब्वनामिपिन्गु शैक्षिक जग ब्ललाई मखु धायोदिल ।

स्थानीय तहता स्वायत्तता व विकेन्द्रीकरणया अधिकार बियमःगुलि बःयासे वयकलं शासक दलपिसं ख्वप नगरपालिका पाखं चायकः तःगु ब्वनयकुथित व अस्पतालता न्ह्याल्लें पक्षपातपूर्ण व्यवहार याडः च्वंगु खाँ नपां भारतया ओडिसाय् च्वंगु किट कलेजय जुगु घटनाय् सरकार हे मुख्य दोषी खः धायोदिसे सरकारं छ्गू छ्गू प्रदेशय् छ्गू छ्गू विश्वविद्यालय व अस्पताल न्ह्याकय्गुलि बः यासा देशय् माथां वांक विकास जुई धायो दिल ।

राजनीतिक नेता व कार्यकर्तापिसं इमानदार जुयो देश व जनताया पक्षख्य राजनीति मयागुलि देशय अनियमितता व भ्रष्टाचार

## सचिव उद्योगपौ बःषि पौ(पाक्षिक)



भवं चिडः वांगु खाँ व्याकसे वयकलं छु तं दे हछ्यायता बुद्धिजीबीपिसं देश व समाजता हछ्यायगु तातुडः ज्या याय्मः धायो दिल ।

अथेह कलेज व्यवस्थापन समितिया नायो नपां ख्वप नगरपालिकाया प्रमुख सुनिल प्रजापति जुं ख्वप विश्वविद्यालय ख्वप याय्गु जक मखुसे देश याय्गहे गौरवया योजना खः धायोदिसे शासक दलपिनि दथ्वी न्हयागु नं बिषयलय् भागवण्डा याइगु बाँमलागु ज्या खं ख्वप विश्वविद्यालय विधेयक अःतक पारित जुय मफ्फु खाँ काडः दिल ।

नेपालय् अमेरिकाया (MCC) गवाहाली दिकु जक मयासें खारेज हे याय् मःगु खाँ व्याकसे वयकलं विदेशीया भरय् दे गुब्ले थःगु तुतिख्य दानय् मफैगु खाँ व्याकः दिल । ख्वप नगरपालिका व नगरपालिकापाखं न्हयाक तःगु शैक्षिक संस्था व अस्पतालता

थःगु तुतिख्य दानय फैगु काथं न्हयाकय्गु कुतः याडः च्वडागु खाँ काड दिल ।

ज्या इवः सं ख्वप कलजेया प्राचार्य प्रकाशकुमार श्रेष्ठ ख्वप नगरपालिकापाखं चाय्कः तःगु कलेजया सञ्चालन विधि व प्रणाली फुक्क सिया चासो व अथेहे याय्ता सय्केगु विषय जुयो च्वंगु खाँ व्याकसे ख्वपया शैक्षिक प्रगति फुक्कसिया लागि डालकाय बहगु जुयो च्वंगु दः धायो दिल ।

अथेह ख्वप कलेज अफ ल या प्राचार्य अनिता जधारी व ख्वप मा.वि. या प्राचार्य लक्ष्मी प्रसाद कर्माचार्य जु पिसं शिक्षक व ब्वनामिपिसं देश विदेशया राजनीति मथूसा कन्हे तःहांगु दुर्घटना फय मालिगु नपां राजनीतिक रूपं प्रतिवद्व शिक्षक ब्वनामिपिन्के क्रान्तिकारी भावना म्वाडः च्वनिगु खाँ काडः दिल ।

## नेपाल मजदुर किसान पार्टीया च्याकगु महाधिवेशन

फागुन १६ ज्ते

नेपाल मजदुर किसान पार्टीया च्याकगु महाधिवेशनया उलेज्या पार्टीया नायो भाजु नपां वरिष्ठ राजनीतिज्ञ नारायण मान बिजुकछौं (रोहित) जुं ख्वपया वडा नं १ सल्लाधारी पार्टीया भन्डोतोलन, मूल व्यानर उलः, पानसय् मता च्याकः छगु भव्य समारोहया दथ्वी उलेज्या याडः दिल ।

उगु ज्या इवः सं वयकलं नेपः दे व नेपः मिपिनिगु मुक्तिया निति समाजवाद निःस्वानय्गु बाहेक मेगु लाँपु मर्गु खाँ काडः दिसे कांग्रेस व कम्युनिष्ट नां या पुँजीवादी पार्टीतय्सं जनताता भिं जुइगु ज्या मयागु, विदेशी शक्तिकेन्द्र तयगु निर्देशन काथं राष्ट्रघाती व जनघाती ज्या जक यागुलिं नेपः मिपिसं उत्पादनया साधनत राष्ट्रियकरण व सामाजिकीकरण जुइगु समाजवादी व्यवस्था निःस्वानय्ता हज्याय मःगु लि बः याडः दिल ।

वयकलं ऐन, कानून व नीतिं याडः सकल जनतां दुःख स्यूगुलिं भीसं पुँजीवादी व्यवस्थाया विरोध याडः वयगु खाँ काडः दिसे जनता व देशया विरोध्य जुइपुं शोषकपुं व विदेशया

पालिडः देता गालय थुनय्गु नीति द्यक्कपुं संस्था व शक्तिया विरोध्य तच्वतं संघर्ष याय् मः धायोदिल । नपां एमसीसीया सन्धी सम्भौता प्यालेस्टिनी जनताता यागु दमनय् नेपः या सरकारं यागु समर्थन व युक्तेनया ब्वहलय दिकः युक्तेन रूसता यागु आक्रमण्य म्हुतुं नुमवासे समर्थन यागुलिं नेपः देता साम्राज्यवादी व उपनिवेशवादी नाटोया छुपे थे पिब्बगु खाँ कुल दिसे सरकारया थुगु नीति सरकारया साम्राज्यवादीविरोधी व उपनिवेशवाद विरोधी, विकाससील देशतयगु विपक्ष थ्यनि । उकिं अःयाय्पुं कांग्रेस व एमाले सरकारं प्रतिगामी शक्तिया छुपे जुयो जुइगु नीतिता त्वःत देया तटस्थ व असंलग्न परराष्ट्रनीतिख्य ल्याहाँ वयमः धायोदिल ।

विश्व बैंक, अन्तरराष्ट्रिय मुद्राकोष व एशियाली विकास बैंक धात्यें ख्यक धाय्गु खः सा सं. रा. अमेरिकाया आर्थिक ल्वाभः खः धायोदिसे वयकलं देश खबौं विदेशी त्रृण्य दुः च्वंगुयां विदेशमुखी अर्थनीतिं याड हे खः धाय्गु खाँ जलाखाला

## सचिष्ठ ड्युस्वंग्रु स्वप पौ, बःषि पौ(पाक्षिक)

देया आर्थिक सद्कट व आर्थिक दुरावस्थां सियदः धायोदिसे साँ स्याड धुँ पोस याय्गु थे अथे धायगु देशी व विदेशी शोषकतय्ता पोसय् याइगु व साम्राज्यवादी व नवउपनिवेशवादी तयता पोसय् याइगु सरकारया आर्थिक नीतिया भुरी लहयो क्यनयता, सकल जनताया दथ्वी नेमकिपां अन्तरक्रिया जनसभा, चिच्या-चिच्याहांगु अध्ययन गोष्ठी याडः बुद्धिजीबीपुं नपाँ फुक्क वर्ग अलय पेसाया जनताता सचेत याय्गु ज्या याडः वयो च्वंगु दः धायो दिल ।

बुँ याप्हसियाय्गु हे व मोहियानी हक्या नारा पुलां मजुनि धायोदिसे वयकलं योजना अनुसारया ज्या व ज्या काथेया ज्याला क्वयनिसे च्वय् थ्यंकः लागु याय मःगु अलय व्यक्तित्व विकासयाय्ता फुक्क ल्यासे-ल्याम्होपुं व जनताता उथिंग्यंक अवसर वियगु महत्वपूर्ण विषय खः धायोदिल ।

नायो भाजु बिजुक्छै जु निर्वाचनता काल बिलया व्यवसाय थें यागु, भवय नकः छै छै डा, लाँ, सिलिन्डर, गुन्डातय्ता करोडौं धेबा इडः अपराध अप्यकेता, देश व जनताया सेवा याइगु राजनीतिता अपराधी ब्वलांकिगु अवसर दयकिपुं शासक दलतय्ता अपराधी ब्वलांकिगु अखःछै दय्के बिय मज्यु धायोदिल ।

नायो भाजु रोहित जु न्हुँगु व पुलांगु पुस्ता मिलय जुयो देशय् जुयो च्वंगु अन्याय-अत्याचार व सरकारया देशविरोधी नीतिया विरोधय् न्हुँगु काथं संघर्ष याय् मःगु खाँ कुलः दिसे गलत नीति व तत्त्वया हःनय् कप व्यष्टुक जुय मज्यू धायो दिल ।

समोरोहसं लसकुस याडः दिसे नेमकिपाया छ्याज्जे नपां संघीय सांसद प्रेम सुवालं माक्स व ऐगेल्सया शिक्षा काथं पार्टी देश व जनताया निःस्वार्थ जुयो सेवा याडः वगु नपां थ्व च्याकगु महाधिवेशन छगु गरिब वर्गया निंति राजनीतिक, कक्षा व्यवचाय्केगु जिमिगु कुतः खः धायो दिसे पार्टी संसारया फुक्क

क्रान्तिपाखं सय्कः थुइकः समाजवादी आचरणता व्यवहारय् छ्यलय्ता बः बियो च्वंगु खाँ काडः दिल ।

ज्यासाड तैपुं वर्गता राजनीतिक रूप सय्कः थुइकः, सचेत याडः छप्पा छधि याय्ता पार्टीया भीगु पिथनापाखं तहांगु रवाहाली याइगु खाँ काड दिसे वयकलं विदेशी लायया सेवा याइपूं सामन्तवर्गया पार्टी तयसं समाजवादया नारा बियो देश व जनताता मिखालय धुलं छ्वाकः च्वंगु न्हयःदा फूय धुक्कल । सरकारी उद्योग व प्राकृतिक स्रोत छम्हा नेम्हा मनू व विदेशीतय्ता खाखचा मुलं मिइपिसं कम्युनिष्ट धाधां जनताता भाङ्गः लाडः च्वंगु नं ३५ दा क्यन । सशस्त्र द्वन्द्या नामय भारतीय एकाधिकार पूँजीया नामय् (ट्रोजनहर्स) श्यामकर्ण सलाँ जुयो च्वंपुं गथे कम्युनिष्ट जुय फै ? अपुं कम्युनिष्ट मखु अराजकतावादी खः सांसद सुवालं धायोदिल ।

जाती, भाय् धर्मया लिधंसाय् गरिब जनताता शासनयाइगु फासीवादी नपां कपः क्वचुकः, छुपें कः कालय् तयो जुइपुनपां नेपाल मजदुर किसान पार्टीया संघर्ष याडः तुं च्वडागु खाँ काडः दिसे छ्याज्जे सुवालं धायोदिल मजदुर, किसान व गरिब वर्गया मत कायो विदेशी लायया सेवा याइपिनिगु ‘समृद्ध नेपाल, सुखी नेपाली’ या नारा तासया छै थें फय्खाँ खः धायोदिसे नेपःमिपित्ता २६ खर्ब स्वयो अपः सार्वजनिक त्रृण कुबिइकः लाँ व ताँ दयकागु दाबी याइगु व विद्युत व टेलिफोन विकास याडागु दाबी यागु सरकारं थःगु तुतिखय् मदांसिं विदेशीया तुतां चुयो डायो जुगु खः । थुकीं समृद्ध नेपाल जुय हे फै मखु । सरकारया थजगु फय्खाँया लिनय् जुयगु नेपःमिपिसं थःगु तुतिखय् थमनं पां पालय्गु थें खः धायो दिल ।

शोषण, असमानता हिसा, युद्धयो जुइम्हा साम्राज्यवादीत



## सचिव उद्घाटन स्वप पौ. बःषि पौ(पाक्षिक)



खः धायो दिसे, वयकलं भी साम्राज्यवादी तथसं गरिब जनताया विरुद्ध्य याइगु युद्धता न्हयाड्ले कुखिडः विरोध याडः च्वडा धायोदिसे सचिव सुवालं अमेरिकी साम्राज्यवाद उर्वर भूमि युक्तेनया दुर्लभ खनिज थःगु लाहातय लाक च्वंगु दः सा आनाया उर्वर भूमि लाखौ हेक्टर न्यागु व प्यालिस्टिनीतय्ता उठिबास याडः आनाया चिकं, ग्यास, खानी व चातलय्या मुडः तःगु ना: लाकः कायो च्वंगु खाँ धात्थे खःगुलिं नेमकिपां उकिया विरोध यागु खाँ व्याकः दिल ।

उगु समारोहसं नेमकिपाया केन्द्रीय दुजः सुनिल प्रजापति जु नेपः या संविधानं समाजवाद उन्मुख राज्य दक क्वः छ्यूगु दः, समाजवादया अर्थ उत्पादनया साधनत सामाजिकीकरण, शिक्षा व स्वास्थ्य उपचार निःशुल्क, योग्यता काथंया ज्या व ज्याकाथंया ज्यालाया बन्दोबस्त खः धायो नेमकिपाया उम्मेदवारत त्याक वगु पालिकाय् पार्टीया नीति व निर्देशन काथं जनताता भिं जुइगु ज्या याडः च्वंगु दः धायोदिसे ख्वप विश्वविद्यालय निःस्वांकः चाय्के मब्यूगु राणा शासकया मानसिकता व प्रतिक्रियावादी सोच व ख्याच्व खः धायोदिसे ख्वप नगरपालिकापाखं चाय्कः तःगु नेगु इज्जिनियरिडः कलेज नपां न्हयगु उच्चशिक्षा बिइगु शैक्षिक संस्थापाखं देशोद्धिया जनताया काय् म्हयाय्पिन्ता दांकः भिंकः व बालाक शिक्षा बियो च्वंगु उगु शैक्षिक संस्थाय् अः ७७ गू जिल्ला याय्पु न्हयद्व स्वयो अपः ब्वनामि पिसं ब्वडः च्वंगु दः । थवहे कलेजत दुथाकः ख्वप विश्वविद्यालय चाय्केता ख्वप नगरपालिकां कुतः याडः च्वंगु दः । अलय सरकारं संविधानय् स्थानीय तहता विश्वविद्यालय चाय्केगु अधिकार मरु धाय्गु त्वहःतयो ख्वप नगरपालिकाता चाय्केगु स्वीकृति मब्यनि । उकिं विश्वविद्यालय चाय्कः जनताया काय् म्हयाय् पिन्ता दांकः भिंकः, चिकित्सा शिक्षा नपांया जनशक्ति ब्वलांकय्गु जनताया इच्छा पू

वांकय् मखांनि धायोदिल ।

स्थानीय तहता समानीकरण अनुदान अप्वः तय मःगुलि उकिया अखः सर्त अनुदान अप्वयकः यंकगु, संघीयता छ्यलय्ता वगु हिदा दयानं स्थानीय तहता मःगु कानुनत मदय्कगु, स्थानीय तहता कर्मचारीतय्गु अधिकार मब्यूगु, अलय नेगू प्यंगु लाखया चिच्या-चिच्या हाङु योजनात नपां सङ्घ व प्रदेशं याइगु सङ्घीयता, नेपःया संविधानया भावना व मतिया अखः खः अलय् जिल्ला स्तरीय अपलं सरकारी निकायत ल्यकंतु तयो तःगुलिं राज्यया खर्च अप्वयो च्वंगु नपां स्थानीय तहं ज्या न्ह्याक्यता काथं मछिडः च्वंगु दः धायोदिल ।

नेमकिपा केन्द्रीय दुजः नन्द बहादुर शाही जु कर्णाली थन्योगु दुर्गम लागाय् नेमकिपां हे कम्यूनिष्ट आन्दोलनया ह्योंगु भन्डा ब्वयकगु खः अलय् ज्या साड, नैपु वर्गया जनताता मार्क्सवादया ज्ञान बियगु ज्या थः पिसं न्ह्याकः च्वडागु दः धायोदिसे नेमकिपां प्रतिक्रियावादी वर्गया विरुद्ध्य संघर्ष मदिकक हछ्याडः वयो च्वंगु, पञ्चायती व्यवस्थां कर्णालीया नेमकिपाया संगठनता हाँगः लिसे लिडः छ्वयगु काथं क्वत्योगु खाँ न्हि थांसे वयकलं उकिं न छति हे मग्यासें हज्याड च्वडागु, बहुदलीय व्यवस्था निः स्वानय् धुकः कम्यूनिष्टया गां डयो जूपु पुँजीवादी पार्टी तयसं हे नेमकिपाता तछ्याय ताना नपां शासक पार्टीतय्सं सत्ताया दूरुपयोग याडः, मखुगु खाँया आश्वासन क्यडः, लोभ्य् क्यकः निर्वाचनय् त्याकय्गु ज्या याता । थुकाथं देया राजनीतिख्य् शोषक वर्गयाय् हे हैकम चलय् याडः च्वंगुलिं जनतां धात्थे खःगु विकासया सबः काय मखाडः च्वंगु खाँ काडः दिल ।

मेम्हा केन्द्रीय दुजः दिल्ली प्रसाद काफ्ले जु शासक पार्टी तय्गु त्यो मत्योसें यागु ज्या व असक्षमतां सोतया तःमिगु दे जुयानं भन भन क्वब्बडः वाडः च्वंगु खाँ व्याकसे नेपः दे

## सचिव ड्यूस्ट्रीजु स्वप पौ. बःषि पौ(पाक्षिक)

प्राकृतिक स्रोतं जःगु उर्बर भूमि खः। थुकिता हलिमय धिं धिं बल्ला याय्गु काथं हज्याय् फःसां थुलि तःमिगु देया भी नागरिक पिन्ता गरिब यायां विदेशीया च्यो भ्वातिं याडः बिला, सरकारया असमर्थतां याडः थथे जूगु खाँ व्याकसे जलविद्युत विकासया दुगाक्वं खः। भीगु देशय् अपलं दःगु स्रोत ना: न्हपांगु खः। गुकिता भीथाय् हिमाल दः तलय् सुनतं पानय फै मखु। थुकिया लिधंसाया उद्योग, न्ह्याकः बुँज्या या: सा दे तः मि जुयो हज्याई। धायोदिल।

जलस्रोतता चिच्या-चिच्याहांगु जलविद्युत आयोजना, ना: छुयगु व प्रशोधित यःचुक ना: त्वनय्गु पिकाय् फः। थूकिता हदाय तयो ज्या सांसा भी थःगु तुतिख्य् च्यो दानय्ता काथं छिनि धायोदिसे वयकलं दुःख्या खाँ सरकारं जलविद्युतय् लाय छ्यलय्गु त्वःतय् धुक्कल। अमिसं थुखेय् पाख्य् मखु सोलार व थर्मल प्लान्ट दयकः देता एसिडं पुक ज्या साडः च्वना। अलय विदेशी लाय छ्यय्केगु नामय भारतीय एकाधिकार पुँजीया लाहातय नेपः या जलविद्युत लः ल्हायगु ज्या साडः च्वंगुलिं नेपाली विद्युत आयोजना भन कासिसडः वांगु, भीगु देशया ना: छुयगु सिचाई व उर्जा भारतया लाहातय् लः वांगु खाँया विरोध याडः वयागु खाँ वयकलं काडः दिल।

मेम्हा केन्द्रीय दुजः नवराज कोइरालां सदूरपश्चिम प्रदेश राष्ट्रिय विकासया मूलधारय् दुतिडः तःगु मरु धायो दिसे न्हपाय्गु पञ्चायती व्यवस्थाय् बैतडी जिल्लां अलय् वहुदलीय व्यवस्था लिफ्पडः हयानि डेलधुरा जिल्लां तःक हे नेम्हनेम्हा मनु प्रधानमन्त्री जुय धुक्कसां जनताया समस्या सांगु गवः छि हे मब्यं धायोदिल।

स्वास्थ्य, शिक्षा, लाँ व बुँई ना: छुयगु व्यवस्था दः धायहे मछिंक खाँ कुलः दिसे वयकलं सुंदर पश्चिमेली जनताया जीवनय् हयूपाया आशा याय्गु छुं गनां हे खानय् मरु धायो दिल।

मेम्हा केन्द्रीय दुजः जगय बहादुर शाही जुं न्हपा स्वयो शिक्षा, स्वास्थ्य लाँ, कृषि, त्वनय्गु ना: जेजगु सेवात बांलाडः वानिगु, गरिब व मफू पिनिगु परिवारया जीवन सुथां लाडः वानिगु जनतां मतितःगुया अखः शिक्षा, स्वास्थ्य भन-भन थिक्य् जुयो वांगु दः ल्यासे ल्याम्हो पुं गामय् च्वनय मफयो बुँ फुक्क बाँझो जुयो बस्तीत सरासु मरुगु उजाद जुयो वांगु खाँ व्याक दिल।

मेम्हा केन्द्रीय दुजः बजिरसिंह विक जुं नेपालय् थः ता कम्युनिष्ट दाबी याडः वयो सरकारय् वां पिसं समाजय् हाँ काएो च्वंगु अन्धविश्वास व कुजात व थिय ज्यू मज्यू याडः याइगु ज्या पानय्गु स्वयो भन अपः याडः वगु दः धायोदिसे थुकिं सरकारय् वांपु व कम्युनिष्ट धःपुं सामन्तवर्गया प्रतिनिधि हे खः धाय्गु

सियदः धायोदिल।

मेन्हा केन्द्रीय दुजः नारायण महर्जनं शासक दलया कुबुद्धि याड हे स्वनिगलय् त्वनय्गु ना: मरुगु, तः तः हांगु समस्या ब्वलांगु नपां अपराध याइगु मू थाय् जूगु खाँ कुलः दिसे स्वनिगः पिनय्या जनतां स्वनिगलय् बसाई सरय् जुयो वय मरुगु व्यवस्था याय् मः धायो दिल।

नेमकिपाया मेम्हा केन्द्रीय दुजः नपां वागमती प्रदेशया सांसद, सुरेन्द्र राज गोसाई जुं नेपाली कम्युनिष्ट आन्दोलनया पुसा ल्यंकः तय्ता अलय् नेपःया ज्या साडः नैपुं ज्यापु ज्यामिया थःगु हे क्रान्तिकारी संगठन धस्वाक तय्ता थौं स्वयो ड्यूच्छदा हाँ अथे धाय्गु २०३१ माघ १० गते निःस्वांगु नेमकिपा थौं राजनैतिक नैतिकता, बिच व सिद्धान्तया धुसिसिं थैं हलिमय धस्वाडः च्वंगु दः धायो दिल।

अमेरिकी साम्राज्यवादं युद्ध, हमला, हस्तक्षेप व सत्तापुर्झकेगु कासात न्ह्याकः अलय डलरता मेगु शक्ति ज्याभः दयकः हलिमय थःहे नायो जुयो क्वत्यल च्वनय्गु कुतः याडः च्वंगुदः धायो दिसे वयकलं संसार अमेरिकीया म्हुछिड तःगु लाहापां प्याहाँ वयगु कुतः याडः च्वंगुदः धायो दिल।

पार्टीया केन्द्रीय दुजः नपां नेपाल क्रान्तिकारी महिला संघया नकीं अनुराधा थापा मगर जुं राजनीतिसं ज्या साडः नैपुं मिसात म्हवचाजक न्ह्यलुवा जुयो च्वंगुलिं न वहे तः मिपुं सम्भ्रान्त व शोषक वर्गया मिसातय्सं हे योत्थे याडः च्वंगु दः धायो दिल।

पार्टीया मेम्हा केन्द्रीय दुजः नपां वागमती प्रदेशया सांसद सृजना सैजुं नेमकिपा निःस्वांसां निसें हे ज्यासाड नैपुं ज्यापु ज्यामितय्ता शिक्षित यायां छपा छधियाय्गु थाकुगु ज्या याडः वगु खाँ काड दिल।

मेम्हा केन्द्रीय दुजः सरोज प्रसाद साहं तराईया अपलं जनतात बुँया भरय् म्वाय् मःपुं खयानं अमिगु नामय् बुँ मरु धायो दिसे नेमकिपां सु न बुँ याडः च्वना वाय्गु हे बुँ जुयमः अथे



धायूगु क्रान्तिकारी भूमिसुधार पाखं बूँ अपलं सयके मः गुलि बः याडः च्वंगु दः धायोदिसे अथेन शासक दलपिसले किसानतय्ता विश्वासघाट याडः अन्याय याडः च्वंगु दः धायोदिल ।

अथेहे मेम्हा पार्टीया केन्द्रीय दुजः रबिन्द्र ज्याख्वं व नेपाल क्रान्तिकारी विद्यार्थी सङ्घया केन्द्रीय नायो प्रकाश गुरुड नं न्वचुतयो द्यूगु खः ।

ज्या इवः सं नायो भाजु रोहितज्या २०७६ थुख्या खैल्हाबल्हा मुना (अन्तरवार्ता सङ्कलन) समय र विचार - २

## सचिष्ठव उद्यस्वंगू ख्वप पौ. बःष्ठि पौ(पाक्षिक)

व श्रमिक वा पौया सम्पादकीय च्वसु मुना साफुपित ब्वज्या नायोभाजु रोहित जुं याडः दिल । अथेहे थी थी जिल्लाया कलाकारपिस प्रगतिशील म्यैं, देउडा प्याखं, तामाड सेलो म्यैं, थारू प्याखं क्यंगु खः । उलेज्या हाँ यें या कोटेश्वर, ख्वपया लान्चा फल्चा, चाँगु न. पा. या पकुनेपाटी, फैध्वाका व सूर्यबिनायक न. पा. या सूर्यविनायक चोकं उलेज्या न्याली न्ह्याक थी थी नारा व बाजागाजा नपां ज्या इवः न्ह्याकिगु थाय् सल्लाधारी थ्यंकः सभा जूगु खः ।

## थीथी स्कूलया दँ बुदिं

फागुन २१ जाते



ख्वप नगरपालिकाया उप प्रमुख रजनी जोशी या मू पाहाँलय शान्ति निकेतन माध्यमिक विद्यालयया ५५ कगू दँ बुदि, शिक्षक हानय्ज्या व सिरपा लः ल्हायूगु ज्या इवः क्वचाल ।  
फागुन २२ जाते

अथेह ख्वप नगरपालिकाया उप प्रमुख रजनी जोशी जू या मू पाहाँलय् सेकरिड् हाट् एकडेमीया नीन्यकगू दँ बुदि व सिरपा लः ल्हायूगु ज्या इवः जुल ।

सेकरिड् हट् एकडेमीया २२ कगू अभिभावक दिवस, सिरपा लः ल्हायूगु ज्या भूवः व सांस्कृतिक ज्याभूवः या मू पाहाँ ख्वप नगरपालिकाया उप प्रमुख रजनी जोशी पुर्खा त्वःत तकगु सम्पत्ति भीगु कला व संस्कृतिया नारा ज्वडः ख्वप नगरपालिका शिक्षा, स्वास्थ्य, सम्पदा ल्यंकः म्वाकः तय्ता बःयाडः वयागु खाँ नपां समाजवादउन्मुख संविधान काथं समाजवादया आधारशिला तयार यायूगु ज्या याडः वगु खाँ नपां शिशु स्याहार निसे विश्वविद्यालयतक चाय्केगु योजना: ज्वडः हज्याडः च्वंगु खाँ काडः दिल ।

उपप्रमुख जोशी जु ख्वपदेता ज्ञान विज्ञानया केन्द्र द्यकः, ल्यासेल्याम्होपुं विदेशय् मछ्वयूगु मतिं लाहातय ज्यादैगु तालिमत बियो थःगु देशय् च्वनय्ता छ्वासा बियो वयागु खाँ काडः दिल ।

वडाध्यक्ष उपेन्द्र सुवाल (४) जूँ राजनीति बांलासा जक

फुक्क थाय् बांलाइगु लिं राजनीतिया तातुना निःस्वार्थ रूप देश व जनताया सेवा यायू ज्युमः धायो दिसे ब्वनामिपिन्ता राजनीतिया खाँ कानय् मःगु खाँ नपां शासक पार्टी त्यूगु बाँमलागु ज्याखं याडः राजनीति खाडः सर्वसाधारण घःचायो च्वंगु खाँ काडः दिल ।

गःपलि टोल सुधार समितिया नायो नपां अभिभावक संघ नेपाल भक्तपुर्या नायो रामकृष्ण प्रजापतिजुं ब्वनामिपिन्तु प्रतिभात पिभव्येकेता ब्वनयकुथि स्वयमःगु खाँ काडः दिसे अभिभावक शिक्षक या बांलागु स्वापु दःसा ब्वनामिपिन्तु कन्हेया दिं बांलाइगु खाँ काडः दिल ।



ब्वनयकुथिया संस्थापक प्रिन्सिपल श्रीराम सुवालया सभानायोलय् जूगु उगु ज्या भूवःसं सानु मैयाँ अमात्य, डा. विनोद डुंगाल, विकासदेव लामा, एन. प्याब्सनया सञ्जय खड्का, शिक्षिका अनिशा तामाड, ब्वनामि सुप्रिना लामा, मानिक तामाड पिसं न्वचु तःगु खः ।

ज्याभूवः सं उपप्रमुख रजनी जोशी एसईई २०७९ व २०८० या ब्वनामिपुं व शिक्षक पिन्ता हानय् ज्या नं याडः द्यूगु खः ।

सचिव ड्युस्वंग्रु ख्प पौ, बःषि पौ(पाक्षिक)

# शिक्षकपिसं कन्हेया समाज दय्केता ज्या याडः च्वडागु मति तयो ज्या सानय्मः

फागुन २३ जते



ख्प नगरपालिकाया प्रमुख सुनिल प्रजापतिया मू पाहाँल्य समाज सुधार माध्यमिक विद्यालयया ५४ कगु दँ बुदिन्या लसताय् शिक्षक हानय् ज्या, सिरपा ल: ल्हाय्गु व सांस्कृतिक छव्यासं छ्वनयकुथिं पिथांगु स्मारिका नं पितब्बज्या याडः दिल।

ज्या इव: सं वयकलं भक्तपुर औद्योगिक क्षेत्रया नेगु प्यंगु उद्योगत दांदां निसें कर मपूगुलिं तालं गवयमालिगु अवस्था वगु खाँ ब्याकसे वयकलं जनताया स्वास्थ्यख्य् बाँमलागु लिच्चव: लाइगु काथं प्रदुषण याइगु उद्योगत चाय्क: लब: नहुगु, अलय नगरपालिकाता कर मपुलिगु उद्योगत स्वनिगलं पिनय यंकय् गु बाहेकं मेगुउपाय मरु धायोदिल। वयकलं स्थानीय जनताया, मागकाथं अजगु उद्योगत मेथाय् तय यंकय् ता नेपःया सरकारता धायो च्वडागु खाँ नं काडः दिल।

नेपालय् नेगु काथंया शिक्षा नीतियाडः सरकारी व निजी लागाया छ्वनयकुथिया दथ्वी शैक्षिक गुणस्तर पा: सां न ख्प नगरपालिका दुनय चाय्क: तःगु सामुदायिक व निजी छ्वनयकुथिया दथ्वी शैक्षिक गुणस्तरय् अभ बांलाकय् ता धिंधिंबल्नाया नीति नगरपालिकां कःगु खाँ ब्याकसे सामुदायिक छ्वनयकुथिं शैक्षिक गुणस्तरय् च्वजाय्क: यंकय् मफू तलय निजी छ्वनयकुथित हज्याडः च्वनिगु खाँ काडः दिल। नपां वयकलं छ्वनामिपित्ता ब्वंकय् गु नपां नपां बांलागु व्यवहार, गवाहालिमिया भावना, देश व जनताया सेवा याय् गु बिच: व इमानदार जुयो ज्या सानय् गु नपां ज्यायाता माया याइपु छ्वनामिपु छ्वलांकय् म: धायो दिल। अलय शिक्षकपिसं छ्वनामिपित्ता ब्वंकय् गु जक मखुसें कन्हेया समाज दय्क: च्वडागु मति ज्यासानय्मः धायो दिल।

सावजनिक मा. वि. संयुक्त परीक्षा समितिया प्रतिनिधि नपां नेपाल क्रान्तिकारी शिक्षक संघ जिल्ला समिति भक्तपुरया नायो गणेश राम थुसां शिक्षा हछ्याय मफूतलय् दे नं हमज्याइगु

बिच: प्वंक दिल।

संविधान काथं शिक्षा निः शुल्क व अनिवार्य मजूगु बिच प्वंकसे वयकलं सरकारं शिक्षाख्य् मःक्व बजेट छ्ख्य् मलिङ्कगुलिं छ्वनयकुथि समस्या वगु ख: धायोदिल।

ख्प नगरपालिका वडा नं द या बडाध्यक्ष कृष्ण प्रसाद कोजुं थौं स्वयो पीदा हाँ तक ख्प दे शिक्षा लागाय् तस्कं लिनय् लागु खाँ ब्याकसे शिक्षा, स्वास्थ्य सुचुकुचु नपां थी थी लागाय् ख्प देशं ह्यूपा हःगु, जनताया साथ व गवाहालीं थानाया विकास निर्माण हज्यागु ख: अलय छ्वनामिपित्ता नैतिकवान व देशभक नागरिक जुयता गवाकय् म: धायो दिल।

छ्वनयकुथिया न्हपा याय् म्हा प्र.अ. लक्ष्मीनारायण दुवालं, जीवन म्वाडः छ्वनय्ता संघर्ष याडः छ्वनय्मः थें छ्वनयकुथिया शैक्षिकस्तर थाकाय् ता नं शिक्षक, अभिभावक व छ्वनामिपिसं संघर्ष याय् म: धायो दिल।

छ्वनयकुथिया प्र.अ. जगन्नाथ प्रजापति छ्वनयकुथिया दाच्छिया प्रगति प्रतिवेदन पिछवसें छ्वनयकुथि म्हवचा जक धेबा पुलय फपुं अभिभावक पिनि काय म्ह्याय् पु छ्वडुः च्वंगु खाँ नपां छ्वनयकुथिं बांलागु शिक्षा बियता बःयाडः च्वंगु खाँ काडः दिल।

समाज सुधार मा.वि. व्यवस्थापन समितिया नायो राम प्रजापति जुया नायो सुई जुगु उगु ज्या इव: सं गुगूतिगिया छ्वनामिसुनिसा प्रजापति लसकुस यागु ख:।

ज्या इव: सं नगरप्रमुख प्रजापति व मेमेपुं पाहाँ पिसं शिक्षकपित्ता हानय् ज्या अलय छ्वनामिपित्ता सिरपा व सेवा निवृत शिक्षक व एस ई ई उत्तीर्ण छ्वनामिपित्ता हानय् ज्या अलय मतिनाया चिं ल: ल्हागु ख:।

मूपाहाँ प्रजापति जुं धिमेया बोलय् उलेज्या याडः द्यूगु ख: सा छ्वनामिपिसं सांस्कृतिक ज्या इव: नं क्यंगु ख:।



# सचिव डयस्वंगूरु खप पौ. बःषि पौ(पाक्षिक)

## कन्हेया लागि शिक्षकपिसं छवनामिपित्ता छवनयगुली बःयायमः

फागुन २४ जते



मिनर्वा इड्गलिश स्कूल्य् सिनियर अभिभावक दिवस नेमकिपाया केन्द्रीय दुजः नपां खप नगरपालिकाया प्रमुख सुनिल प्रजापतिया मू पाहाँल्य् जुगुलि संस्कृति न्हुँगु पुस्ताय् लः ल्हाडः यंकलकिं व म्वाडः च्वनिगु खाँ व्याकसे उकिं खप नगरपालिकां स्थानीय पाठ्यक्रमया व्यवस्था याडः परम्परागत संस्कृतिता न्हुँगु पुस्ताता लः ल्हायगु कुतः जुयो च्वंगु खाँ काडः दिल ।

सम्पदा व संस्कृति भीगु सम्पदा व शिक्षा नं खः धायोदिसे वयकल संस्कृति सयकेगु छगु थः हे दे या शिक्षा सःगु खः । छम्हा छम्हा मनूतय्के थःथःगु चाहना इच्छा व बिस्कं पहः दैगु वहे विस्कं पहलं छवनामिपिसं थःगु म्हासिइका पिब्वइ धायो दिल ।

वयकलं छवनयकुथि छगु बालायवं नगरया शिक्षा बालाइगु मखु नगरया शिक्षा बालाक्यता नगर दुनयया फुक्क छवनयकुथिया शैक्षिकस्तर बालाय् मः धायो दिसे कन्हेया समाज दय्केगु तातुडः शिक्षकपिसं छवनामिपित्ता छवनयगुलि बःयायमः धायोदिसे छवनामिपित्ता बालागु व्यवहार स्वनयगु ग्रवाहालिमिया भावना ब्वलांक्यगु, इमानदार जुयगु, ज्या सानयगु, ज्यायाता माया यायगु व समाज व देशया सेवा यायगु भावना ब्वलांक्यता शिक्षकपिसं मेहनत यायमः धायोदिल ।

निजी व सामुदायिक छवनयकुथि विइगु शैक्षिक गुणस्तरता उथियंक्यता खप नगरपालिकां कुतः याडः च्वंगु दः धायोदिसे वयकल मेथाय् स्वयो खप नगर शैक्षिक गुणस्तरं बाला भीसं सरकारया भरय् मखु थःगु तुतिखय् चुयो हज्याय् मः धायो दिल ।

उच्चशिक्षा व विदेशय् ज्या मः वानयगु नामय॑ ल्यासे ल्याम्होपुं विदेशय् वानिगु प्रवृत्ति अपलं खानय् दयो वसेलिं चिन्ता प्वंकसे वयकल सन्तान विदेशय वानिगु खार्य॑ चनाखो जुयमः धायो दिल ।

ब्वनयकुथिया प्रिन्सिपल राजेन्द्र दुवालं ब्वनयकुथिया प्रगति प्रतिवेदन पिब्वसे ब्वनय् कुथि बालाक्यता शिक्षक व ब्वनामिपुं नपां अभिभावक पिनिगु नं तः लाय मः धायो दिल ।

बालरोग विशेषज्ञ डा. विनोद दंगालं अभिभावक पिसं मचात्यता छु छु नकयगु धायगु खाँ थुइकेमः धायो दिल । ब्वनय् कुथिया इन्वार्ज राजु किसिजुं ब्वनामिपिनिगु फुक्क पाखय् विकास यायता शिक्षक अभिभावक पिनिगु लाहा दै धायो दिलसा विद्यालय व्यवस्थापन समितिया नायो रमेश प्रजापतिया सभा नायोलय जूगु उगु ज्या इवः सं अभिप्रेरक तुल्सि हरि प्रजापति, ब्वनामिपुं नेम्हा सुजन भैले व सुशान श्रेष्ठं नं न्वचु तयो द्यूगु खः ।

ज्याभूत्वः सं चाइनिज भाय स्यनामि स्वयम सेविका शिक्षिका यान्वो पुणा पाखं छवयो द्यूगु पौ नं ब्वडः क्येंगु खः ।

ज्या भूत्वः सं ब्वनयकुथिया प्याखं, थी थी ज्या भूत्वः तः क्यडः द्यूगु खःसा अभिभावक दिवसया लसताय ब्वनयकुथिया ब्वनामिपिसं दयकगु थी थी वस्तु व ज्वलं त नं ब्वज्या यागु जुल ।



## सेवा न्ह्याकल

खप नगरपालिकापाखं चायकः तःगु खप अस्पतालय अत्याधुनिक (अतिकं न्हुँगु), भिडियो एकसरे मिसिनं से वा न्ह्याकल ।

सचिव ड्युस्वंगूरु ख्वप पौ. बःष्टि पौ(पाक्षिक)

## नेक्राकिसंघया केन्द्रीय परिषद

फागुन २४ जाते



नेपाल क्रान्तिकारी किसान संघ केन्द्रीय समितिया रवसालय स्वकगु राष्ट्रिय सम्मेलन लिपाया नहपांगु परिषद नेपाल मजदुर किसान पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापतिया मू पाहाँलय जुल ।

प्रमुख प्रजापति जु मेपिनिगु भरय् युद्ध ल्वाइपुं व म्वाइपुं मनू गुब्ले गति मलाइगु खाँ कुलः दिसे युक्रेनया राष्ट्रपति जेलेस्त्कीया हालत नं थथे जूगु खाँ ब्याकसे अमेरिका व यूरोपेनी देशतय्सं ग्यायम्बः धाधां सोडाः तयो रसियाया विरुद्धय् छदम युद्ध जेलेस्त्की ल्वागुलिं अःवयो अमेरिकां थःगु हे देशय् सःतः अपमानपूर्णा व्यवहार यात । यद्धुखय् जूगु खर्च युक्रेनया थःगु दुर्लभ खनिज सम्पदाखय् बच्छी भाग काय्गु स्वत । मेपिनिगु भरय् ल्वाय्गु अलय कतःया हतियार युद्ध ल्वाय्वं अःउकिया चर्को मू मपुसे मगात । युक्रेन लाखाँ मनूतय्गु क्षति फयमाल धायोदिल ।

केन्द्रीय दुजःप्रजापति जु 'जुछे विचारधारा कः घाडः प्रजग कोरिया थःगु तुतिखय् दाडः हज्याडः च्वंगु दः। कोरियाँ खाद्यान्त नपां ल्वाभः व मेमेगु फुक्क लागाय् आत्मनिर्भर अर्थतन्त्र चव जायकगु दः धायोदिल । नपां वयकल ख्वप नगरपालिकां सल्लाधारीया १०८ पी जगगाय् ख्वप विश्वविद्यालय चाय्क १५ लाख धेबां मेडिकल डाक्टर छ्वलांकय्गु तातुडः हज्यागु अथेनं राणा शासनया पहःदःपु शैक्षिक माफिया पिनिगु चलखेलं नेपःया सरकार स्वीकृति

मब्यूगु खाँ काडःदिसे ख्वप नगरपालिकां शिक्षा लागाय् जक मखुसें स्वास्थ्यया लागाय् नं जनताया सेवा याडः च्वंगु खाँ कुलः दिसे वयकलं नेपःया सरकार ख्वप अस्पतालता विमाया धेवा मब्यूगुलिं कुखिडः दिल ।

नेपाल मजदुर किसान पार्टीया च्याकगु महाधिवेशन देश व जनताया निःस्वार्थ सेवा याय्ता नारायणमान बिजुक्छै (रोहित) या न्हयलुवाय् न्हैंगु ज्यासना पुचः (कार्य समिति) निर्वाचित जूगु खाँ ब्याकसे वयकलं नेमकिपा अःतक नं सत्ता काय्गु फोहरी कासाखय् मवांगु अलय् सत्ता पिनय् च्वडः देश व जनताया सेवा याडः च्वंगु खाँ काडः दिल ।

नेमकिपाया केन्द्रीय दुजःनपां नेक्रासिकसंघया केन्द्रीय नायोभाजु डिल्ली प्रसाद काफ्ले जु किसान संघया कार्यकर्ता पुं जिल्ला-जिल्ला व गां गामय् वाडः किसान तय्गु समस्या त थुइकः छप्पाछधि याय्मः धायोदिल ।

नेपाल कृषि प्रधान देश जूगुलिं थाना अपलं ६९ प्रतिशत किसान त दः गुलिं नेक्राकिसंघ किसानत नपां स्वापु तयो ज्या सानय् मःधायो दिसे वयकलं देशय ल्यासे ल्याम्होपुं पिनय वाडः च्वंगु, सरकार बुई नाः छुयगु व्यवस्था याय मफूगु, इलय हे देसी सः हयो बियमफूगु, नेपालय् हे देसी स कारखाना चाय्के मफूगु, कृषि औजार कारखाना तिडः वगुथें हे जुयो च्वंगु थजगु खाँ नेपालय् कृषिया अवस्था तस्कं कमजोर जुयो च्वुगुलि नं ल्यासे ल्याम्होपुं विदेशय् वाडः च्वंगु खाँ काडः दिल ।

नेपाल क्रान्तिकारी किसान संघया केन्द्रीय न्वक गोबिन्द दुवालं ख्वपय् नहपा नहपा जूगु किसान आन्दोलन याड ख्वपय किसानतय्गु आर्थिक अवस्था बांलागु खाँ कुल दिल । नेपाल क्रान्तिकारी किसान संघया केन्द्रीय छ्याउज्जे हरिराम सुवालं किसानत नं अध्ययनशील जुयमःगु खाँ कुल दिसे पार्टीया पिथनात मदिक्क छ्वनय्गु-अन्तरक्रियायाय् मःगु इनाप याडः दिलसा राष्ट्रिय व अन्तरराष्ट्रिय राजनीति बिस्कं जुय मफैगुलिं किसानत नं सचेत जुयमः धायो दिल ।

थी थी जिल्लाया किसानतय्सं प्रतिनिधित्वयागु उगु परिषदय् गुणदास महर्जन, वीर बहादुर डंगोल, श्याम महर्जन, शान्ता महर्जन, हरिशरण श्रेष्ठ पिसं न्वचु तयो द्यूगु खः ।

सचिव उद्योगपौ बःषि पौ(पाक्षिक)

## चोछ्या सुन्दरी गोपाल देगः निःस्वान

फागुन २६ गते



खवप नगरपालिकाया प्रमुख सुनिल प्रजापति जुं वडा नं ६ या चोछ्या च्वंगु सुन्दरी गोपाल देगः निःस्वानसे जनताया सहभागितां सम्पदा ल्यकः म्वाकः तय्गु खवपया विशेषता खः धायो दिसे तः झवाचं थुड़ स्यकः ब्यूगु सम्पदात विदेशीतय्के छतिं हे रवहाली मकसें भीगु थःगु मौलिक पहलं दय्कः भीगु थःगु म्हासिइका ल्यकः वयागु खाँ काडः दिल ।

वयकलं उपभोक्ता समिति च्वडः ज्या सनिपुं इमानदार जूसा सम्पदा भिंकः बालाक दय्के फैगुलि ठेककां बिय मज्यूगु, खवप दे पर्यटकीय गन्तस्थ स्थल काथं हज्याडः वगु खाँ नपां शिक्षा, स्वास्थ्य उपचार व सुचुकुचुख्य खवप

दे ब्वस्यलाक हज्याय फःगुलिं खवप देया जनताया नं इज्जत च्वंगु खाँ काडः दिसे थःगु तुतीख्य दानय् फःसा कतं दुःख बिय मफैगुलिं न्हयाकव हे दुःख सिय मःसां खवप नगरपालिका थःगु तुतीख्य दानय् गु कुतः याडः च्वंगु खाँ काडः दिल ।

‘सुन्दरी गोपाल मन्दिर पुनःनिर्माण शिलान्यास’ ज्या इवः या सभाया नायो नपां ६ बडाया बडाध्यक्ष हरिराम सुवालं आ.व. २०८०/८१ सं ज्यो च्वंगु विकास निर्माणया ज्या बडाबासीपिनिगु साथ, सहयोग व रवहालीं ज्यो च्वंगु खाँ ब्याकसे थुगु देगः दानय् गुलि नं उपभोक्ता समिति मःकाथं रवहालीकायो इलय् हे ज्या सिध्यकिगु विश्वास प्वकः दिल ।

नेकाकिसंघ भक्तपुर जिल्लाया नायो नपां ६ बडाया दुजः गोबिन्द दुवालं विश्व सम्पदाया धलः ख्य नां जःगु खवप दे विश्वया सम्पत्ति, अध्ययन, अनुसन्धानया थाय् खः धायो दिसे राजनीति बालासा फुक्क बालाङ्गु अथेन सत्ताय् च्वडः च्वंगु दलं जनताया मिखालय् धुलं छ्वाकगुखाँ काडः दिलसा का.पा.या दुजः रोशन मैयाँ सुवालं खवप नगरपालिकां कला-संस्कृति, शिक्षा-स्वास्थ्य व सुचुकुचुख्य हदाय च्वडः ज्या साडः च्वंगु खाँ काडः दिलसा शिक्षक जगन्नाथ सुजखु, सम्पदा शाखा प्रमुख रामगोविन्द श्रेष्ठ व वडाया दुजः सिद्धि राम अवालं नं थःथःगु खाँ तयो द्यूगु खः ।

## इनाप

खवप नगरपासिकाया रवसालय २०८१ चैत्र २३ निसे २६ गते तक जुङ्गु अन्तर नगर जिम्नास्टिकाया धिंधिंबल्लाय ब्वति कायो बिया धाय् गु इनाप याड खवप नगरपालिकाया उप प्रमुख रजनी जोशी, बडाध्यक्षपुं श्याम कृष्ण खत्री(१), उपेन्द्र सुवाल(४) का.पाया दुजः रञ्जना त्वातीपुं भायो उप प्रमुखपुं - यैं महानगरपालिकाया सुनिता डंगोल, यल महानगरपालिकाया मञ्जली शाक्य, केपु नगरपालिकाया शुभलक्ष्मी शाक्य जु पिन्ता नपालाडः दिल ।



# सचिव ड्यस्वंगृगु ख्वप पौ. बःषि पौ(पाक्षिक) ब्वनामिपिन्ता ज्या व ज्यामिपिन्ता माया याइपुं काथं ब्वलांकय् मः

फागुन २६ जते



ख्वप नगरपालिकाया प्रमुख सुनि प्रजापतिया मू. पाहाँलय् आधारभूत विद्यालय समिति भक्तपुरया २६ कगु दँ बुदि २०८१ या लसताय शिक्षक हानय् ज्या, सिरपा लः ल्हाय् व सांस्कृतिक ब्वज्यासं उलेज्या याडः दिसे ब्वनयकुथिं बालागु शिक्षा नपां नपां देशभक्त, समाजसेवी व अनुशासित याय् मः गु ज्या व ज्यामिता हानिपुं ब्वनामिपुं ब्वलांकय् मःगु उकिं ख्वप नगरपालिकां

शिक्षकतय्ता तालिम, ब्वनयकुथिया भौतिक निर्माणता आर्थिक ग्राहाली याडः वयागु खाँ व्याक दिल।

न्ह्याङ्गले न्हाप जुझगु काथं महेनती जुयो छगू विषयलय् विशेषज्ञता कायफैगु काथं च्वयथ्यक ब्वनयता मनलय् ताय्के मःगुलि १२ गू तरिं सिध्यक विदेशय् वानिगुलि ब्वनामिपुं जकमखु सरकार हे दोषी खः धायोदिल।

आधारभूत विद्यालय समितिया नायो सुर्य बहादुर फाँजुं समितिया वार्षिक प्रतिवेदन थव मचातय् जगरें जूगुलिं क्वयनसें बल्लाकय मःगु खाँ काडः दिलसा समितिया नि: स्वानामि विश्वराम कवां जुं शैक्षिकस्तर बालाक यंक: समस्या छलफल याडः व्यंकय् तातुडः समिति दयकागु खाँ काडः दिल।

अथेह ब्रम्हायणी आ.वि. या प्र.अ. तीर्थ लक्ष्मी धन्छा, समितिया दुजःपुं असल माया वनमाला, प्रकाश गोसाई नं न्वचु तयो द्यूगु खः।

मू. पाहाँ प्रजापति जुं व मेपुं पाहाँ पिसं आ.वि. समितिसं नव नियुक्त प्र.अ. पिन्ता लसकुस, अवकाश जूपिन्ता हानय् ज्या, समितिया शिक्षकपिन्ता हता पौ अतिरिक्त क्रियाकलापय् तःलापुं ब्वनामिपिन्ता सिरपा लः ल्हाडः दिल।

## राष्ट्रपति रनिड शिल्डय ख्वप नगरपालिका न्हाप

फागुन २७ जते

हिं स्वकगु भक्तपुर जिल्ला व्यापी राष्ट्रपति रनिड शिल्डया धिंधिं बल्ला भक्तपुर जिल्ला खेलकुद विकास समितिया ख्वसालय फागुन २४-२६ गतेक जूगुलि ३७ स्वर्ण, १९ रजत व ३८ कास्या नपां मुक्क १४ गू पदक त्याकः ख्वप नगरपालिकाया पुचः न्हाप जूगु खः।

उगु कासा सं मध्यपुर नगरपालिका १५ स्वर्ण, १९ रजत व ३० कास्य याड मुक्क ६८ गू पदक कायो ल्यू. चांगुनारायण नगरपालिकां १२ स्वर्ण २५ रजत व १८ कास्ययाडः मुक्क ५५ गू पदक कायो ल्यू या ल्यू लागु खः।

ख्वप नगरपालिकां ११ कगु, १२ कगु व थुगुसीया हिंस्वकगु राष्ट्रपति रनिड शिल्डय मदिक्क न्हाप जूगुलिं रनिड शिल्डया नियम काथं ख्वप नगरपालिकां राष्ट्रपति रनिड शिल्ड लिता बिय म्वल। ख्वसा खलं मेगु दार्य न्हूँगु रनिड शिल्ड व्यवस्था याय् माल।



सचिव ड्यूस्वंग्रु खप पौ. बःछि पौ(पाक्षिक)

## काठमाण्डौ वर्ल्ड स्कूलया ब्वनामिपुं खप नगरपालिकाय्

फागुन २८ जाते



सुर्यविनायक नगरपालिकाया गुण्डाई चवंगु काठमाण्डौ वर्ल्ड स्कूलया स्वंगु तगिंया ब्वनामिपुं खप नगरपालिकाय् स्थलगत



अध्ययन अवलोकन भ्रमणया इवलाय् खप नगरपालिकाया प्रमुख सुनिल प्रजापति जु याता नपालाडः दिल ।

उगु ज्या इवः सं प्रमुख प्रजापति जुं खप नगरपालिकां

न्हाक चवंगु ब्वनय्कुथित व खप अस्पतालया तातुना व आनान बियो चवंगु सेवाया खाँ ब्याकसे खप देता शैक्षिक काथं हछ्याता खप नगरया ब्वनय्कुथित व नगरपालिका पाखं चाय्क तगु कलेज तय्गु तहांगु लाहा दः धायोदिल ।

खप नगरपालिकां सम्पदा ल्यंकः म्वाकः तय्गुलि बः यासे व्यकलं नगरया शिक्षा विकास सुचुकुचु लिसें फुकक नगरया माथांवांक विकास याय्गुलि बः याडः वयागु खाँ ब्याक दिल ।

भ्रमणय् वपुं ब्वनामिपिसं नगर प्रमुख प्रजापति नपां खपया सडक सुरक्षा थाकालिपुं, जेष्ठ नागरिक पिनिगु दायित्व, खपया शिक्षा, स्वास्थ्य, वातावरण सम्पदा ल्यंकः म्वाकः तय्गु सुचुकुचु थजगु ज्या खय् नगरपालिकाया ज्या छु दै, छु ज्वी ? धायो न्यांगु जुल । ज्या इवः सं खप नगरपालिकाया प्रमुख प्रशासकीय अधिकृत वसन्त भट्टराई, नगरपालिकाया प्रशासकीय अधिकृत दामोदर सुवाल, नगरपालिकाया शाखा, उपशाखा क्यनय्यंक आनान बिङु सेवा सुविधात काडः दिल ।

### सूचं

खप नगरपालिकाया मदिकक पिथाडः चवंगु भक्तपुरलय पौ ल्या ३४४ तक व बःछिपौ खप पौ ल्या १५० तक पिथानय् धुंकगुया इलेक्ट्रोनिक कपी भक्तपुर नगरपालिकाया वेवसाइट [WWW.bhaktapurmun.gov.Np](http://WWW.bhaktapurmun.gov.Np) खय् तय धुंगु दः । प्रकाशनया निंति <http://bhaktapurmun.gov.np/ne/Publications>